

序



依園者何顧子逸圃讀書之所  
也園介闐闐間而蕭閒澹遠無  
塵囂湫隘之累高柳蔭門疎籬  
繞徑有長林豐草之思焉顧子  
旣雅抱微尚不慕榮利枕

史日焚香嘯歌其中一時名流  
勝侶及四方之士假道吳門者  
無不願交顧子戶屢恒滿顧子  
必爲之設茗布席上下千古酬  
對終日了無倦意暇則拉二三  
知己以詩文相淬礪其最契者

則金子亦陶潘子雙南曹子德  
培黃子憲尹金子筮文蔡子右  
宣相與倡和之時居多今秋余  
旅寓金閫偕曾子止山共訪依  
園主人因得遍讀七子之詩或  
慷慨用壯或溫厚和平並駕齊

鑿工力悉敵爲擊節嘆賞者久之遂語止山過日一集羅百氏而藏名山子洵有力矣若依園諸子自當仿玉山草堂故事另成一選不妨孤行止山欣然與余先訂若干首授梓題曰依園

七子詩選志所自始也嗟夫大雅不作詩道榛蕪身都通顯者輒高自矜許而窮巷繩樞之子往往卑靡齷齪鮮克樹立觀茲集之選人有其學問人有其性情人有其志節旣無統袴裘馬

之習復不作山林寒瘦之態於  
以詠歌先王幕席天地其所得  
殆非易量以視雕鐫影響比於  
蚓竅蛙聲者不可同日語矣夫  
以顧子之砥行力學而其所定  
交又復章章如是將依園之名

日益有聞而依園七子之所以  
傳又不徒以其詩也已

康熙庚申小春會稽徐行蘅菴  
氏拜題

依園七子詩選姓氏目錄

金侃亦陶

迂齋集四十八首

潘鏐雙南

石帆吟八十三首

曹基德培

雲心編二十七首

黃芬玠憲尹

耕煙集七十二首

金賁賁筮文

金匪莪集五十七首

蔡元翼右宣十二首

黃花塲吟

顧嗣協逸圃十首

曹怡雲集四十六首

石洲吟八十三首

新登雙南

歐陽集四十八首

金財衣閣

外園十二言



序


余自齟齬喜作詩嘗得以詩請益於耿菴先生先生以詩稱吳下而今子亦陶實繼其家風與余論詩雅相契也吾吳之詩自顧逋翁陸魯望范至能以來作者不乏而於明代爲尤盛如高青丘徐廸功輩皆裒然爲一代稱首隆萬以降力稍不逮於前而其師友淵源流風餘韻如亦陶之於耿菴先生當亦不愧於黃勉之文徵仲父子間余嘗謂唐宋詩人其心思耳目自少長以至老無一不聚之於詩而其詩乃工迨經義之制興而人皆從事於章句帖括而欲取其力



之所餘以爲酬應奔趨之具則無怪乎詩之委瑣卑靡而不振若亦陶者以雋上之才讀書好古早絕意舉子之業而時發其胸中所蘊以見之於詩此其詩之日進於古而未有已也顧子逸圃倜儻好奇與亦陶交最厚所居依園有水竹之勝時招致亦陶諸子詠歌其間乃序次錄諸子之詩付之剞劂其性情之相得當有獨契於習尚爭趨之外者以是鼓吹風騷而希踪玉山草堂之盛余於顧子深有望焉而尤喜亦陶之恪守其家傳以無負吾吳下詩人之流派也故爲之序以志之庚申長至同學弟俞瑒題

迂齋集目錄

古吳金侃亦陶著



會稽徐行堯菴

寧都曾燦止山選

望遠曲

早春同恒軒外舅渡湖之東洞庭山

晚渡石湖

登鳳凰山

山中望家信不至

春山雨霽同人從石澗橋並白龍潭翠峰小塢

一路觀泉  
雨中望太湖

石公山

玄陽洞

烈松行

題王石谷畫為彭孔昭

楓江曉發

曉渡呂梁洪

題亞父墓

留侯祠

龍城媪

次和家有顛龍城旅次述懷見示

病婦行

野步

雨中喜吳園次太守見過

同嚴髻珠程百畹翁季霖看花武山次韻

飲酒

當壚曲四首

所思

寒食

送翁元將之金陵

劔囊行

秋夜宿湖上

無題

春日同袁重其翁季霖遊西洞庭山口號三首

蒔秧

寄家大兄臨淮

有感示從子有年萬爲

送江辰六之任益陽

送家大兄之任

蓮塘

山行

寒食欲訪楊明遠先之以詩

七夕宿潘旭始書齋有懷文賓日

洪塘署中呈大兄

春夜閱家有願遺詩因憶與余親厚無間過從

嬉笑之迹已成昔夢掩卷隕涕情見乎辭

夢中得句

猶子阿鳳生喜占



早春同恒軒外舅渡湖之東洞庭山

憶予客歸時歲暮正風雪孤舟逆奔濤振柁指欲折  
飛霰撲衣襟擁爐晝不熱隱几更僵臥展衾冷如鏡  
城西有敝廬亦足安蹇劣漂泊逐險艱生計一何拙  
酒酣試推篷四望叫奇絕千林粉糝糊亂峰玉峴嶮  
村寒人跡稀渚凍雁聲咽始疑造化意無乃爲我設  
轉憐所遇難回首未忍別茲來凍已消春從柳條洩  
漣漪漾輕帆山爲翠屏列溪梅弄晴香芳菲迥堪悅  
相與論古今遂爾及往昔雄文照天地千秋豈磨滅  
披卷互技讐正復事雕鏤浩唱或微吟扣舷還擊節

迎風豁塵慮臨波生酒渴呼童淪茗茗悠然兩三啜  
夕陽下平湖山水共澄徹因思數年遊勝處多飽閱

惟此兩度過其樂難具說

時外舅重刊震川公文集予同技讐

晚渡石湖

歸乘春漲後極望渺無涯塔影懸殘照山光散落霞  
人烟迷柳樹漁火隔桃花暗覺橫塘近歌聲是酒家

登鳳凰山

半嶺橫城闕登臨想霸圖亂山青入越一水碧通吳  
樹暗南朝寺花明西子湖愁看牧馬處舊是帝王都

山中望家信不至

莫羨三番落。蘭花兩度開。弟從前月別。書是幾時來。  
世事何堪問。吾生只自哀。搔頭頻悵望。山色隔蘇臺。  
春山雨霽。同人從石澗橋。並白龍潭。歷翠峰小。

塲一路觀泉

曉起鶯亂啼。春山雨初霽。索居寡酬侶。空庭獨凝睇。  
有客招我遊。觀泉翠微際。菁蔥繞松筠。陰森翳蘿薜。  
磴道幾盤紆。峰巒互虧蔽。始聞聲濺濺。近作雷霆厲。  
激石攪雪花。噴沫疑龍噓。輕飛如峽雲。隨風自搖曳。  
怒湧如江湖。列弩曷能制。躍如孟津魚。潑刺若可繫。  
駛如芒碭蛇。驚人竄平地。悠揚鶴羽飄。的皪鮫珠細。

譎詭狀萬殊。瞥眼曷可計。班荆共靜默。目眩神欲悸。  
蕭穆澄心胸。瀟灑滌塵慮。林深氣清冷。漸覺逼衣袂。  
夕陽忽西徂。眷焉久流憩。

雨中望太湖

日晚推蓬望五湖。春陰萬里入模糊。花間冷廟傳龍  
女。烟際殘山號謝姑。帆逐斷雲歸極浦。雁隨細雨下  
平蕪。悠悠吳越休重論。且共臨流倒百壺。

石公山

一壺石公山。猿猱路可通。心方驚險絕。足已躡虛空。  
遠塲寒烟白。平林夕照紅。臨溪慚不戒。幾悞入龍宮。

予臨湖漱水而顛外舅詩有湖濱扶失足之句

玄陽洞

一徑繞楓林。谿研石洞深。邃疑通地肺。近亦入湖心。

氣暖苔長翠。雲多晝易陰。夙聞桃浪勝。春至更登臨。

玄陽桃浪為西山十景之一

### 烈松行

蘭枯蕙死紛莫紀。艾蕭葦菀塞天地。漢陵松柏摧為薪。野塚荒丘安足異。寧知草木性弗同。不甘屈辱私春風。背裂髮指唾壺碎。請君聽我歌烈松。裂松生長包山墓。宿莽寒烟伴孤兔。獨立青青百尺強。托根幽

壑無人顧。風欺雪虐不知年。但見鱗鬣摩蒼天。離奇

天矯出羣樹。恥與桃李爭芳妍。千秋自信惟孤直。甘

向空山作龍蟄。勁節那容秦帝封。貞蕤未許唐侯食。

漏月含星春復秋。濤聲雲影共悠悠。低枝或承玄鶴

舞。清除每帶高僧遊。忽傳官帖需采供。匠石相看共

矜重。身是明堂良棟材。肯為滄海樓船用。夜深林黑

風怒號。五湖月落千山高。雷砰電掣震巖谷。靈威奔

竄啼山魃。根枝宛轉驚破裂。霜皮黛色成枯焦。樗櫟

欣欣托存活。勃然生氣猶凌霄。噫吁嘻。吾聞烈士可

殺不可辱。斷脰陷胸志亦足。丈夫可不如草木。

題王石谷畫爲彭孔昭

王生作畫如作書。縱筆喜隨意所如。大幅能收小能放。疎密每與常人殊。君藏此幀更精詣。霜樹欹斜峰蔽翳。板橋村落路渺茫。漁歌響答秋初霽。蒲葦蕭蕭鳧拍拍。草閣臨流映空碧。溪山淡秀有如此。杖藜可少尋詩客。吾今散誕天許閒。何不著我孤蓬間。載將琴尊與詩卷。老去看盡江南山。

楓江曉發

孤帆千里道。衝雨曉初移。世亂多辛苦。家貧慣別離。岸花迷紫燕。雲樹叫黃鸝。搔首驚春暮。因人轉自疑。

曉渡呂梁洪

曉色浩無際。驚鷺忽黥然。怒濤寒湧日。孤嶂遠連天。漁鼓紅雲外。鷄聲綠樹邊。愁心與歸思。併逐亂帆懸。

題亞父墓

奇計方嗟用未終。敢將成敗論英雄。射陽實蓄相殘志。曲逆虛叨反間功。劍氣銷沉悲落日。青燐明滅捲陰風。當年倘聽君侯語。亭長那容老沛中。

留侯祠

一卷陰符志已酬。拂衣歸共赤松遊。報讐身散千金產。謝政胸無萬戶侯。仙樂數聞過碧落。靈旗幾度閃



依園七子詩選 五  
清秋只今又失中原鹿。借箸煩君爲細籌。

龍城媪

戊午孟夏哉生明。金子携劔遊龍城。風雨長途苦泥  
潦。登山却喜天初晴。初晴鬱蒸氣驟熱。赤日鑠膚膚  
欲裂。瘦馬凌兢喘不前。岡迴嶺復行難歇。孤城遙指  
峰之陽。五里十里路轉長。欣聞鷄犬出籬落。忽看酒  
旆當垂楊。投鞭下馬入茅屋。土銼烟昏眯人目。解衣  
僵臥情不歡。嗚嗚聽得鄰家哭。起來呼問哭者誰。怨  
人尤鬼誠何爲。老媪哽咽拭雙淚。欲語未語心先悲。  
妾身命薄失所天。獨持門戶三十年。胼胝辛苦事耕

種。河決漂我山南田。孤寡相依不相保。二麥全丹

麥受

霧土而萎土人謂之丹

屋又倒。大兒乞食竄他方。可憐白骨埋

秋草。昨聞官帖築黃河。幼兒又充車土夫。甌塵突冷  
忍飢待。眼枯腸斷空朝晡。催科虎吏復打門。追呼喧  
噪驚人竄。或傳客爲令貴客。齒牙倘可邀深恩。吾聞  
媪言長太息。濟世有心媿無力。只今四野徧瘡痍。我  
縱言之誰復恤。欲叩帝闈爲媪訴。九關狺狺虎豹怒。  
次和家有顛龍城旅次述懷見示

竭來幸識古龍城。深慰間關訪舊情。治有濁醪元共  
得。吟多奇句敢相爭。雄心終媿難忘世。薄俗應疑是

噉名差喜故園風景似夕陽林樾一聲鶯

病婦行

結襦爲君婦。恩愛謂長保。誰知期百年。紅顏遽枯槁。  
牀扶三歲兒。啞啞泥人抱。死別痛摧心。淚落不能道。  
撫兒悲語郎。語郎娶須早。姑老兒復嬌。莫恃爾兄嫂。  
妾以薄命故。蓋棺但草草。含我聘時珠。衣我嫁時襖。  
瞑目歸黃泉。音容從此杳。勿使兒苦啼。令我生懊惱。

野步

春水繞人家。青山一向斜。板橋低蔭柳。茅屋敞當花。  
急鼓漁登市。輕歌婦采茶。杖藜從所適。隨意玩年華。

雨中喜吳園次太守見過

雨多來往少。始覺草堂幽。開卷有真趣。閉門無所求。  
竹涼侵几席。花氣隔簾鉤。忽報高軒過。同爲物外遊。

同嚴髻珠程百畹翁季霖看花武山次韻

風裊垂楊水拍堤。桃花爛熳入幽溪。千林霞蔚看無厭。  
幾處雲烘望欲迷。春酒畫船隨意住。夕陽嬌鳥盡情啼。  
重來恐作漁郎悞。埽石吟詩帶醉題。

飲酒

羸秦志并吞。雄畧古未有。焚書坑豎儒。快事良不朽。  
孰虞廟狐鳴。鴻鵠在畎畝。朱明混區宇。應運誠匪偶。

戡亂垂典章。拯民非所厚。驅世攻帖括。士以文字取。  
輕實重春華。遺苗植稂莠。士弗能振振。昧於時俗。徃  
兀兀窮歲。年槁項。終甕牖。立法貴變通。泥古曷克久。  
末造尚因循。勢弱伊誰咎。緬懷當時情。固欲愚黔首。  
高皇自濬哲。祖龍稍魯莽。要知庠與坑。厄之同一紐。  
鬱鬱千古愁。心胸向誰剖。掩卷不復看。不如且飲酒。

當壚曲 四首

嬌小能數錢。粧就當壚坐。感郎馬蹄勤。春風幾迴過。

其二

新篔有春生。濃香比花露。試飲郎自知。莫向東家酤。

其三

玉壺儂自嘗。飲郎郎易醉。日久儂不疑。任郎膝前睡。

其四

郎還問儂飲。儂家醉須記。春波赤欄橋。青帘杏花裏。  
所思

獨立望所思。雲歸暮山紫。鴛鴦兩兩飛。芙蓉隔秋水。

寒食

忽聞寒食至。不覺久離家。雨霽生芳草。人愁正落花。  
燕閒窺研席。蜂鬧撲窓紗。兀坐吟偏苦。臨風鬢欲華。

送翁元將之金陵

大道久淪替。吾儕合寥廓。俛首對妻孥。攢眉饜藜藿。  
補天回日志未成。廿年空負三冬學。始知鉛槧多謬  
悞。典墳丘索徒糟粕。側身偃蹇翻自嗤。山林老作兒  
童師。強顏繭跡娛主人。書囚富貴當何時。幾回慷慨  
思投筆。捫心又昧孫吳術。挾策從戎兩不堪。此生落  
鬼茫難畢。不如爲商或爲賈。履躋籬滕走齊魯。丈夫  
弧矢志四方。何必栖栖戀鄉土。翁郎年少產渥洼。過  
都歷塊才堪誇。垂耳鹽車世莫問。春風苜蓿盈天涯。  
天涯茫茫憤填臆。聞予此言長太息。擔簦首作鍾山  
遊。欲渡江南向江北。吁嗟鍾山古帝都。龍蟠虎踞真

雄圖。千秋王氣黯銷歇。茂陵松柏遭樵蘇。君能訪古  
爲憑弔。開平弓劍中山廟。牛首鷄鳴繞故宮。青青依  
舊承殘照。萬事從他付劫灰。登臨且上鳳皇臺。携樽  
好酌秋風裏。可有當時李白才。李白雄才尚坎壈。窮  
愁何況君同我。醉裏題詩送君去。蘆花楓葉隨輕舸。  
輕舸初開笠澤波。亂山西去夕陽多。屠龍東海終難  
售。跨鶴揚州定若何。我亦扁舟作漁叟。綠簑烟雨三  
江口。釣竿得魚穿柳條。待君歸佐金陵酒。

劍囊行

干將莫邪在何許。瀕洞風塵定誰與。搔頭空復望斗

牛脈脈苦心不能語。錦囊遺來知幾春。雙龍永失延  
平津。雲濤模糊花黯淡。似曾親近英雄人。棄擲可憐  
尤可愛。紉得秋蘭還共佩。神物會合應有時。竚看報  
讐歌出塞。

秋夜宿湖上

洞庭木落帶殘霞。夜半孤舟宿雁沙。漁笛數聲人不  
見。月明秋水浸蘆花。

無題

當年顏色如花枝。今日看花鬢已絲。只有繡奩鸞鏡  
在。曾經照我嫁來時。

春日同袁重其翁季霖遊西洞庭山口號

萬頃澄波似掌平。柳絲風軟布帆輕。幽懷未許傍人  
識。一路青山自送迎。

推蓬花氣近。竈山峭壁危。崖只尺間流。水孤舟停不  
得。隨風吹過可盤灣。

柳蘸晴波花滿山。禪扉淡鎖翠微間。酒酣艤棹同登  
眺。藉草先羸一晌閒。

蒔秧

快雨從南來。沛然徧溝洫。田家正蒔秧。襍穡窮日力。  
青青漸如繡。高下同一色。柳陰烏犍臥。花邊乳鳧出。

茅簷餅餌香。坐喜插遂畢。莞爾語婦子。西成應可必。  
祇恐久焦旱。水至復淫溢。入夜吏打門。群犬吠昏黑。  
云是尹接征。敲朴最嚴亟。秧無三寸長。賦已徵十七。  
吾聞先王制。首政重民食。所教惟孝弟。所寶惟稼穡。  
曠潦受則均。所入惟什一。猶復念民隱。告誡在勤卹。  
所以治道隆。擊壤歌帝德。嗟我東南民。年來困已極。  
側身重懷古。搔首空嘆息。

寄家大兄臨淮

五十猶卑宦。栖栖滯一官。中原方戰伐。兩地共飢寒。  
事爲詩書悞。時真出處難。賣刀堪買犢。茅屋足清安。

有感示從子有年萬爲

偃蹇羈孤二十年。貧真刺骨累難蠲。物因徧典連書  
屋。賦不加征到硯田。能泯怨尤知酒聖。絕無炎冷愛  
山賢。何時謝却人間事。送老烟波笠澤邊。

送江辰六之任益陽

秋風疎柳畫船輕。才子飛鳧蒞楚城。地近瀟湘常帶  
雨。山連衡霍未休兵。銜花鹿過思談道。佩犢民歸好  
勸耕。巖邑瘡痍知可復。循良從古是儒生。

送家大兄之任

寒林蕭瑟朔風吹。分手閭門黯自悲。十五年來頻此

別一回相見一回衰

蓮塘

相傳爲隋都梁宮

老樹荒岡路幾重行人猶說古離宮  
林鴉似識興亡恨啼殺寒雲夕照中

山行

共道幽人住無人識姓名  
杏花修竹裏何處讀書聲  
寒食欲訪楊明遠先之以詩

乍暖猶寒雨復晴杏花時節近清明  
青銅怕向愁中看白髮都從亂後生  
撫劍空教慚郭振說詩竟欲老匡衡  
迂疎只有君知我懷抱還來向爾傾

七夕宿潘旭始書齋有懷文賓日

老樹陰濃風滿亭開樽又值渡雙星  
漫遭佳節催頭白苦憶良朋共眼青  
夢斷劇憐香未燧愁來最怕酒初醒  
窓前一様芭蕉雨落盡燈花獨自聽

洪塘署中呈大兄

五年纔一省詎止出門艱多病心常恐  
長愁鬢漸斑官清惟飲水署冷似居山  
壯志都消盡詩應未可刪

春夜閱家有顛遺詩因憶與余親厚無間過從

嬉笑之迹已成昔夢掩卷隕涕情見乎辭

一隔重泉秋又春燈前追憶最酸辛  
詩因愛極常遭

何園子詩選 卷三  
罵酒釀狂時每認真埽榻何常客客去典衣曾爲念  
吾貧只今回首皆成夢獨撫遺編淚滿巾

夢中得句

滿塢桃花繞徑松溪流春暖綠溶溶分明是我來時  
路隔斷雲山幾萬重

猶子阿鳳生喜占

兄子猶吾子生來喜可知勿嗟離亂日定享太平時  
傳汝有遺研老余能授詩他年繩祖武莫笑叔真癡



序

詩之道難言矣要非溫柔敦厚斟酌於四始六義之  
全則終於不美不備潘子雙南智深而勇沈道方而  
品粹遊吾門二十餘年見其窮約益堅流離遷播而  
讀書攻苦浩浩乎有以自得作爲詩章詠歎淫泆其  
悲歌慷慨往往撫劍顧盼足爲人豪彼其幽閑一室  
之中而自適于湖山千里之外蓋其材足以濟之識  
足以達之而上下千載之智又足以博察而周致之  
非然又安以詩爲哉雙南志節兀莽有如蒼崖之松  
鬱鬱而盤積故其發爲光華沈着頓挫嘗客江淮間

負薪採橡栗有類劔門夔梓時宜其詩之有似於杜  
拾遺也至其閔時念亂黍離興哀元結春陵之作李  
紳傷農之辭時時有焉若夫網羅六經貫穿百氏其  
爲文也肆而奧其致思也窈而深騁駕風騷蘄絕輪  
鞅則昌黎東塾抑其流亞矣雙南詩先后計千餘首  
實足以張吾軍茲依園所刻其一嚮耳而性情學術  
約略見焉余姑識其大端如此辛酉元宵陶園散人  
徐晟識

石帆吟目錄

吳江潘鏐雙南著

會稽徐行篋菴

寧都曾燦止山選

贈徐曾銘夫子五十韻

甲寅秋仲同次耕弟散步閭門偶遇趙義菴遂

共登虎阜口占長歌爲贈

答王任公兼送歸山左

賣書行贈周子

吳門喜晤李聲叔和贈

晴江曉望

柳塢聞鶯

壺天游和黃九煙先生韻為盱眙黃明府作

葬先君於經山楊爾成先生以詩寄弔和韻答

甲謝

寄洪素生

酬和彭萼峴

廣陵春感四首

席上送左佩還里

揚州秋感同黃自先洪秋士作八首

同黃九煙先生及程未能江右李集蔣前民漢

書屋

瓜步旅舍

送次耕弟被薦北上

秋夜集鶴和堂即席和韻

和黃九煙先生見贈原韻

遊牛首山和黃自先韻

夢中作

文選樓和鄒乾一

三月十九日

康山讌集

和答杜于皇先生

詠竹

晤顧懿超

已未元旦二首

山塘遇朱公是

同徐禎起夫子及朱望子先生集濮澹軒齋中

看梅馬鞍山和黃欽緒

醉中走筆作歌

錫山道中和仁山韻

寄顧茂倫先生

送黃九煙先生

春來

歸家

己未除夕

花朝江郢上招同閔湘人蔣前民吳叔子集

其堂分賦

金山

月下飲金山妙高臺

輓姜如農給諫

石叻吟目錄  
三  
對酒贈宗弟嘉令

清明廣陵郊遊卽事和湘人韻二首

同顧懿樸太史看梅玄墓二首

題畫荔枝海鳥

廣陵春暮

同王任公次耕弟飲湖上酒樓

量上人過晤廣陵因寄題焦山和笄江上侍御

端午前二日廣陵社集後同張諧石注上若諸

子過飲方可相齋中得來字

寒食同任公南阜晚步過飲社菴

題王魯山南邨草廬和馬密齋韻

廣陵春暮和吳遵王韻

八月五日先君忌辰

哭彭萼峴

送鄒乾一

足夢中句

夢鎡弟愴然有作

焦山雜詩和秋士韻

秋夜時阻兵京口

石帆吟

吳江潘

鏐雙南著

呈徐曾銘夫子五十韻

吾吳富清門。南州推世德。尚寶際休明。勲業光竹帛。  
承家衍餘慶。奕葉傳清白。矯矯牆東公。蒲輪謝徵辟。  
嚴冬一碩果。正氣所停積。吾師濟其美。雅望彌輝赫。  
德惟荀陳亞。詩則顏謝敵。孝友通神明。忠義結肝鬲。  
巨浸難澄清。渾金無雕刻。早歲辭榮名。樂道甘冲寂。  
經師復人師。百代堪楷式。小子最愚蒙。燥髮追父執。

往者元禮門。曾邀戴憑席。恭承先子命。橫經遂親炙。  
同堂三四人。玉樹尤英特。蓬麻資挺持。泥沙荷陶埴。  
華佗滌藏府。成連移精鬼。霑漑私自知。獎勗非外借。  
下帷未及竟。世途見牽迫。流離歷兵燹。飄蕩經南北。  
故業長荒蕪。師門永乖隔。刻鵠竟無成。冥行悵何益。  
蹉跎長兒女。落拓慙裘屐。今冬返故里。恭叩道安宅。  
子雲正草玄。向平方讀易。古貌彌敷榮。道味常恬適。  
笑捋鬚髯蒼。六旬倏而值。尊酒幸不空。到門無俗客。  
亭亭龍門桐。直上一千尺。以茲霰雪威。翻助堅凝力。  
夫子信偉人。天心所扶植。遭遇尤絕奇。比隆古萬石。

高堂尚康強。登山却扶策。焚膏書八分。累幅不肯息。

難弟握驪珠。賢郎舒鳳翼。一門懷葛民。三世嬰兒色。

商山與洛社。此樂應難得。况聞侍御公。謂李灌溪先生兒齒

髮更黑。往來紀羣間。摩娑對銅狄。聚星非空言。戲橘

自陳迹。小子萍梗踪。愧闕弟子職。及此斑衣行。趨拜

增感激。撫已循南陔。白華爲誰摘。祖武安可繩。父書

空手澤。鮮民邁盛事。一欣仍一惕。鄭玄傳禮經。王粲

分書籍。鄙劣獨何人。樗散甘棄擲。還當依禮堂。引錐

自刻責。學古窮天人。服躬等珪璧。庶副國士知。朝宗

竭涓滴。

甲寅秋仲同次耕弟散步闔門偶遇趙義菴遂  
共登虎阜口占長歌爲贈

咄哉人生萬事無不有吾曹此地重攜手憶昔相遇  
臺河聲十里聞奔雷我醉能歌弟能和日落未  
浦帆開爾後分飛各萬里燕雲闔樹隔江水桄榔  
枝無信來灞橋蹇驢夢竟裏今秋我弟下邗關客  
忽把袂開愁顏我適扁舟下吳會楓林雲岫同躋攀  
忽遇天南吏隱者皮褶蒙茸酒樓下黃塵撲面眼獨  
可憐極悲來淚盈把爲言伴送白鳥蠻帶甲滿天不  
得還誰能相見不相醉舉頭况見秦餘山寨裳且向

塘去南朝樹老貞孃墓劔池巉削真劔開虎阜龍  
原虎踞千秋俯仰一悲涼鶴市梧宮幻夢長如花  
人化黃土要離古墳埋白楊天生吾儕困荆棘鷓  
鴒鳳無巢粒九野龍蛇正鬪爭江波怒飛海水立  
之際龍爲梭男兒豈合長坎坷後日相逢更何  
君與我髻未皤君不見海上乘槎客臥槎直看  
織但得支機片石回人間會有君平識

答王任公兼送歸山左

先生矯矯鸞鳳姿紫髯碧眼仍蒼眉  
習懷浩蕩無一物中藏風雲人莫知  
當年甲第冠山東金鞍駿馬生



維風十千終日宴平樂。滿堂賓客多王公。祇今廊落  
環堵。愁來往往歌梁父。牀頭寶劍生莓苔。几上素  
塵土。旅食淮陰二十秋。幾回作賦獨登樓。漂母  
空綠。韓侯城畔荒烟愁。我家嚴君昔來止。與  
君情如水。對酒高歌感慨深。洪流浩浩無窮已。  
載筆溯黃河。感君愛我誼如何。片言相許重山  
日。五日嘗相過。昨者贈我貧交行。篇中字字扞  
令我讀之雙淚落。寸心金石同堅貞。君今歸臥  
隅。我亦南行返故廬。今夕何夕火西下。黃姑織  
歡娛。人生聚散亦何有。那堪此際重分手。臨岐  
掩泣不能別。征鞍欲發頻回首。先生先生聽我言。眼  
前齷齪安足論。神龍蠖屈必深淵。猛虎濶步須高原。  
天生奇才必奇遇。男兒遭逢應有數。他日東山時起  
來。臨風寄我珊瑚樹。

賣書行贈周子

周子落拓人中豪。平生志氣凌雲高。猿類方干才彥  
伯。博觀經史窮風騷。少年不解事生產。黃金散盡誰  
青眼。餓來文字不堪煮。乞米顏公篋折簡。一編常抱  
氣不舒。高堂之奉將何如。賣書直向城南市。玉軸牙  
籤萬卷餘。此書來去如流水。汗牛充棟浩無紀。朝讀

一卷暮百篇。且讀且賣情蕭然。周子讀書得神理。觀者如堵身不起。五都儼若據百城。賣者古人糟粕耳。吁嗟乎。丈夫有才原不偶。歛跡藏鋒須固守。朝爲屠釣暮軒冕。世事浮雲變蒼狗。京口由來山水奇。許渾之後作者誰。願君努立追前哲。齷齪錢刀空爾爲。

吳門喜晤李聲叔和贈

漢陽才子江南客。高情遠邁陶彭澤。忽乘片舸下姑蘇。鶴市梧宮滿春色。詩成擊鉢動當筵。秀骨堅光杜陵筆。七澤三湘茹噎間。吐納風流懷蘊藉。酒酣仰首呼穹蒼。四海茫茫誰俊傑。今我一見心顏開。猶恨當年晚相識。楚水吳雲隔千里。伯勞飛燕天各一。逢君意氣何激昂。放眼湖山增惋惜。龍蹲虎踞夢耶真。萬丈攬槍掃明月。男兒壯志躡風雲。那能齷齪悲浮生。秦華峰頭遺一嘯。拂天雷電八紘驚。

晴江曉望

瞳瞳初日起平沙。萬頃玻璃玉有華。龍出海門潮正上。鶴歸蓬島月還斜。笳吹震盪軍聲近。漁唱幽閒水國賒。遙望秣陵佳氣在。數峰蒼翠帶明霞。

柳塢聞鶯

披拂春風滿綠柯。濃陰千頃帶烟拖。高枝並坐輕調

舌密葉齊飛巧弄梭。上苑未經龍管和。蕪城曾有鳳  
輿過。知音何處堪棲托。目斷郊原戎馬多。

壺天游和黃九烟先生韻爲盱眙黃明府作

赤松爲我師安期爲我友。羽翼事他人笑彼商山叟。  
靈氣發川嶽奇光貫牛斗。萬古祇旦暮鉗錘元化手。  
尺水蟠蛟龍高原窟狐狗。聖賢名虛垂英雄志不偶。  
白日倏西馳黃河自東走。舜華榮朝露糞壤齊岫嶼。  
濁穢塞塵寰棲托安足取。詎知東南州靈境無不有。  
維彼都梁隅翳翳接林阜。睢睢楚帝城淮流清且瀏。  
黃君昔鳴琴冰心絕塵垢。以茲感仙真投贈當瓊玖。

傑閣奉威儀戴高而履厚。文傾倒峽才詩瀉懸河口。  
沉溺悼羣生援拯勞肱肘。芳蘭萎空谷膏雨潤稂莠。  
孔孟罹謗譏唐虞名亦醜。詹尹筮莫從回天跡何壽。  
桃李媚春風松栢歲寒久。蜩螿沸秋枝長飈空一吼。  
滔滔夸毗子誰爲天所牖。達人識幾先大道羣物母。  
呼吸契神明陟降時左右。蓬瀛咫尺間龜山勢蚴蟉。  
虛空嘯鸞鳳周遭樹榆柳。壺天信可遊山公筆如帚。  
壺天游三字爲仙人山玄卿書浩劫歷幾千運會失陽九。雲轡時往  
還斧柯忘爛朽。悠哉復悠哉乾坤一杯酒。

墓先君於經山楊爾成先生以詩寄弔和韻答

謝

先生秉高節卜築隱荒村彈琴照秋月把卷負冬暄  
不知何代世晉魏安足言伏處慕諸葛出世笑溪源  
血灑西臺淚心銷望帝冤著書發孤憤良友相討論  
謂朱而我恨飄泊仰止隔川原去年營馬鬣銜哀過  
里門玄亭幸不遠陟嶺見松垣佳叶惠泉壤悲懷感  
慰存

寄洪素生

烏啼啞啞月流空酒醒夜半燈搖紅披衣出戶眼朦  
朧虛庭漻泐來天風忽思我友心忡忡伯勞飛燕何

西東憶昔真州羈旅同激昂意氣凌烟虹相慰相憐  
我與翁三日五日常過從高歌痛飲蕭寺中盱衡千  
載開蠶叢浚山大澤蟠蛟龍夷門監者酒家傭牧猪  
屠狗皆英雄吾儕飄泊如飛蓬致身安得逢重瞳鼓  
瑟齊門術未工鸞鳩往往嗤冥鴻掀髯大笑呼天公  
天公醉夢雙耳聾人生知己終當逢胡爲局促拘樊  
籠

酬和彭夢峴

歲寒挺松栢霜威謝蒲柳天地有盈虧陰陽判奇偶  
冥鴻振其羽神龍不見首寂莫千載名何如一杯酒

古來賢達人  
遯跡臥林藪  
豈無飢溺懷  
所須在良友  
瞬息附青雲  
金石難雕朽

廣陵春感

選四

蕪城二月斷江流  
極目遙天動客愁  
燕子不來空畫棟  
春風何處滿珠樓  
昆明劫火悲原野  
斥瀟遺民仰麥秋  
寂莫雷塘杯土失  
繁華猶自說揚州

其二

春淡作客奈情何  
故國鶯啼長薜蘿  
杯酒照同吳苑月  
玉簫吹斷洞庭波  
茱萸灣口輕烟暝  
紅藥梢頭粉蝶過  
花事漸隨寒食減  
鬢絲偏入鏡中多

其三

鷓鴣日日喚春回  
獨坐愁城黯不開  
四野飛鴻悲夜月  
幾家歌管讌樓臺  
東來漕輓河流斷  
北去軍書羽檄催  
早晚中原戎馬息  
白雲紅樹任徘徊

其四

奇謀銷盡羽林軍  
白日荒荒野火焚  
諸葛綸巾誰禦敵  
謝公棋墅偶成勳  
海棠開後春無幾  
杜宇啼殘月二分  
莫向隋堤空潦倒  
近來消息轉堪聞

席上送左佩還里

一尊相對話離情  
愁聽樓頭鼓二更  
濫醉不知明日

事如何君去廣陵城

揚州秋感同黃自先洪秋士作。

不堪邗水又重陽十載黃花笑異鄉客底光陰多感  
慨醉中天地總悲涼龍藏碧海秋烟暝雁過蕪城野  
草荒好友招携聊出郭登臨何處可相羊

其二

天寧門外有荒墳落木蕭蕭散馬羣萬古衣冠淪草  
莽一生名節壯風雲誰將獨力支傾厦自抉丹心報  
故君眼底忠冤招未得豐碑難寫墓前文

其三

光岳英靈河雒形尚餘寒焰射青冥將軍闔外空專  
鉞丞相營前竟墜星鬼哭郊原淒曉角鶴歸華表泣  
新亭秋風萬里荒林下手折黃花當薦馨

上二首拜  
史相國墓

其四

步屨尋秋路幾巡小岡孤起俯城闌浪傳東閣題詩  
處却忘前朝種樹人四野荆榛寒戰骨一天風雨黯  
愁塵菜蕒灣好今何在滿眼興亡問水濱

梅花嶺乃  
萬曆間吳

郡守濬河積土所  
成植梅其上因名

其五

拒霜花冷照亭臺多傍紅橋野店開大有金風吹落

帽可教寒水佐淡杯城遭破碎天難補秋老江淮客  
易哀悵望雷塘知不遠醉餘還上蜀岡來

飲紅橋酒家

其六

蜀岡高處出蒼烟一望神州倍惘然寺額已非前代  
舊堂名猶憶昔人賢子山涕淚長江外杜甫干戈落  
照邊徒倚荒臺還獨立秋風秋雨總堪憐

其七

風流天子說隋家野寺曾經駐翠華夢冷鷄臺空玉  
樹翬銷鳳舸失瓊花關河萬里存抔土絃管千年噪  
亂鴉憑弔古今真旦暮一襟秋思滿天涯

上二首遊平山堂

其八

郊原盡日好躋攀搔首風塵髻欲斑豈有蛟龍翻地  
軸漫勞兵甲動江關一樽更對壚頭酒滿眼同看畫  
裏山倒着接羅歸路晚巖城燈火照酡顏

同黃九烟先生及程未能江右李集蔣前民漢  
書屋。

秋光今日似春光紅葉黃花滿夕陽天地有心酬晚  
節琴書無恙老他鄉客來茅舍塵氛遠酒蕢隣家野  
味香烟水荻蘆三徑好過門應自愧求羊

瓜步旅舍

蔣洲用三徑求仲羊仲  
送之遊詞桂陵人出漢書

江昏不可渡。風雨阻歸舟。客舍逢人喜。鄉心入夜愁。  
怒濤喧枕畔。哀角動城頭。十載揚州路。真慚汗漫遊。  
送次耕弟被薦北上。

黯淡邗江雪。正飛脊。今何事。遽相違。名高未許常安。  
枕路險。還宜早識機。薊北風烟傷歲暮。天南草樹望  
春暉。金臺賦罷歸來好。五柳門前有釣磯。

秋夜集鶴和堂卽席和韻

落落乾坤虎視耽。幾回野嘯望登三。英雄自古多堅  
節。廊廟何人不負慚。聞有長風吹楚甸。豈無明月照  
江南。九秋欲盡天如洗。共倒壺觴興未酣。

和黃九烟先生見贈原韻

人肉啄飢鳶。兵戈正目前。世情波已逝。天意月將圓。  
治亂何嘗定。遭逢聽自然。向來多感慨。杯酒漫畱連。  
遊牛首山和黃自先韻。

鬱蔥佳氣兩峰巔。山在雲中寺在天。萬頃湖光紅樹  
外。數聲樵唱白雲邊。風生古穴龍常吼。人到蒼巖鹿  
尚眠。今古茫茫誰代是。且將雙耳濯流泉。

夢中作

春倦人眠半榻孤。夢回幽鳥喚提壺。依稀記得芒屨  
破。鄧尉山頭見五湖。



文選樓和鄒乾一

帝子今寥落。高樓井巷邊。幾經兵燹失。猶得土人傳。  
麗藻空江水。風流散野烟。我來當落照。懷古一悽然。

三月十九日。

不堪重見舊時春。寂寞江干灑淚頻。杜宇啼殘心上血。  
野棠開盡眼中人。英雄且莫悲遲暮。天地何嘗厭  
隱淪。三十餘年流水逝。中原誰復怨黃巾。

康山讌集。

廣陵遺跡總塵銷。游覽康山興獨饒。樓閣參差臨井  
堞。烟波隱約見金焦。地過名士風流在。酒對長江涕

淚遙。細數落花春又盡。夕陽如夢話南朝。

和答杜于皇先生

時寓廣陵天寧寺

朔風欺白日。破寺冷孤扉。爲歎飄零久。誰知世路非。  
高文偏駭俗。垂老豈忘機。送我裁新句。江天雪正飛。

詠竹

黃茅白葦遍人間。獨此亭亭耐歲寒。高節不辭霜雪  
苦。春風何日報平安。

晤顧懿超

刺刺寒風入敝裘。客懷無那恨淹留。登樓空自憐王  
粲。濯足何人識馬周。霜滿蕪城吹曉角。月明古渡照

邗溝來朝又鼓淮陰棹歲暮還同汗漫遊

已未元旦

百年渾是客此日暫歸來忽見春雲動難逢笑口開  
呼兒除舊雪展卷試新醅坐想中天盛沉吟肯放杯

其二

江漢波猶濶兵戈氣未衰敢存鴻鵠志莫負雪霜姿  
歲曆知誰改春風拂我遲二毛慚騎省蕭索不須辭

山塘遇朱公是

一自罹兵燹飄零何處家行踪如泛梗春夢幾梅花  
邂逅悲岐路支離感歲華論交成兩世含意各無涯

同徐禎起夫子及朱望子先生集濮澹軒齋中  
曲巷幽棲穩蕭齋高臥宜小梅開破壁疎柳拂深池  
帶淚吟新句停杯想舊時老懷偏好客悽惻亦何爲

看梅馬鞍山和黃欽緒

路曲逢人問山高倩竹扶千村疑積雪萬頃見層湖  
落日畱衣袂春風入畫圖招携同好友飲興未全孤

醉中走筆作歌

左持蠖右把酒且飲且啖不住手燭花亂落四無人  
秋雨蕭蕭滴楊柳世人不識我猗蘭作薤韭我亦不  
屑顧大笑叱盲狗我酒欲盡我興濃知我者天垂北

斗北斗有酒注天河。瞥見三星忽在雷。蒼生塗炭劇  
可憐。天公醉夢曾知否。五嶽峩峩攢馬矢。江河浩蕩  
瀉牛溲。薰天灼海盡沐猴。電光一掣歸何有。吁嗟乎  
隆中人。渭濱叟。匿影潛踪在林藪。牀頭眠寶劍。夜半  
發奇吼。乾坤大混沌。誰與一分剖。天生豪傑豈偶然。  
衛霍蕭曹皆下走。功成舉手謝時人。地老天荒吾不  
朽。

錫山道中和仁山韻

昔日屯兵處。嚴城可當關。霜飛千雉堞。舟過九龍山。  
刁酒沽來美。吳歌聽去閒。畫圖供眺望。幽興莫教刪。

寄顧茂倫先生

十載江城久未過。美人幽夢近如何。著書歲月窮愁  
老。對酒湖山感慨多。誼重延陵貽縞帶。節高元亮臥  
烟蘿。還期鼓楫成良會。聽取尊前白石歌。

送黃九烟先生

對酒真傷萬古心。驪歌初動氣蕭森。月明天與人同  
醉。歲暮情將海共深。世路不須悲險阻。丈夫應自識  
升沉。潯南歸去還高臥。書滿牀頭雪滿林。

春來

春來日日醉如泥。飲過東家又過西。詩興却從忙裏

減鄉心。渾向夢中迷。消磨歲月忘伊呂。放誕乾坤傲  
阮嵇。誰許獨醒。雙眼濶。萬方寥泚。未聞雞。

歸家

歲歲飄零何處家。歸來重見一庭花。高堂却喜身元  
健。游子翻悲髮欲華。紅杏倚天初破萼。芳蘭匝地已  
生芽。風塵萬里天涯客。早晚山園學種瓜。

已未除夕

一年惟此夕。百感雨中深。歲歉難歡飲。家貧易苦吟。  
干戈方滿眼。天地正重陰。爆竹三更後。聞雞起壯心。  
花朝江郢上。招同閔湘人。蔣前民。吳叔子。集貂

其堂分賦

共是他鄉客。江淹喜見招。米霜矜歲月。天地老漁樵。  
才子詩千首。高人酒一瓢。芳菲今漸好。莫負百花朝。

金山

孤嶼中流峙。橫空勢欲吞。清江作帶。地濶海爲門。  
塔影魚龍靜。潮聲日月奔。茫茫千古意。醜酒共誰論。  
月下飲金山妙高臺

可憐此江水。東注不復回。滔滔去未已。後至更相催。  
中流一砥柱。端是濟川才。神龍忽怒吼。萬里若崩雷。  
月入波心碎。光疑地底來。飛帆無片影。但見山崔巍。

賸有長天碧殊堪浸酒杯

輓姜如農給諫

飄蕭鶴髮舊黃門九死投荒勁氣存無地賜環逢國  
難有身持節是君恩千年華表終歸骨萬里巫陽不  
返覓絮酒若為揮淚處冥冥宛水叫愁猿

對酒贈宗弟嘉令

赫耀出扶桑列宿光盡掩猛虎嘯空山百獸跡羣斂  
天公生我何為哉嶽崎歷落潛蒿萊俯仰千秋一瞬  
息凌空大笑荒烟開今日與爾共杯酒燭燄熒熒射  
牛斗天地為愁鬼夜哭萬象鑪錘元化手爾為我飲

飲莫遲我為爾歌歌莫哀狗亦可屠繒可販不屈不  
辱非奇才泰華插天半曾不厭土丘江海納百川曾  
不擇細流丈夫懷遠畧溫飽安足謀飲冰嚼鋏且堅  
忍鐘鼎文章存疾疢願君努力振羽翰九天一擊摩  
鷹隼

清明廣陵郊遊卽事和湘人韻

半篙春水路難通隔岸花開幾樹紅何處艤舟堪痛  
飲旗亭虛敞不遮風

其二

連宵風雨暗沾裳花事因循到海棠怪底少年爭勸

酒青春容我一人狂

同顧懿樸太史看梅玄墓

入塲穿林細路遲漫空花氣雨晴時烟籠玉樹迷千  
頃風動冰綃裊一枝春雪未殘庾嶺夢夕陽初下醴  
陵詩行來何處堪消渴遮莫前村漾酒旗

其二。

晴烟十里曉霜濃亂石橋邊野寺東花影迷離湖是  
鏡山光浩渺玉爲宮貪吟倚杖看松嶺愛醉添衣受  
晚風清磬一聲雲外響自疑身在月明中

題畫荔枝海鳥

天風吹動海雲黃帝女來窺十八娘饒殺玉環空一  
笑何曾識得宋家香

廣陵春暮

青春愛我莫淹留狼藉風光不自由夢逐繁華如中  
酒心憐芳草怕登樓牡丹開後花無主鶯鳩聲中水  
獨流二十四橋人寂莫銷魂從古是揚州

同王任公次耕弟飲湖上酒樓

天清來上最高樓遠色蒼然散客愁烟樹欲連吳苑  
暝帆檣疑帶楚江浮天涯兄弟雙長劍湖海英雄一  
敝裘此日相逢何所事且憑虛檻看沙鷗

量上人過晤廣陵因寄題焦山和笄江上侍御  
絕頂雙峰住多時。下來樓當江面立。門對夕陽開。  
密竹藏金刹。饑鳥掠石臺。道心知獨遠。滄海貯深杯。

其二

我懷焦處士。曾向夢中來。洞壑衣冠古。乾坤氣象開。  
江圍清淨地。雲去妙高臺。舊是登臨處。狂吟月滿杯。

其三

萬古幽人宅。車馬不能來。江水滔滔下。山雲面面開。  
蝸廬曾鑿石。鷹隼尚呼臺。緬想高風遠。憑誰酌酒杯。

其四

絕島中流峙。孤雲自往來。片時江月上。萬里海門開。  
塔燬前朝寺。濤喧舊日臺。坐當冥漠處。天影落空杯。

其五

寺從山上見。江自蜀中來。雷劈懸崖斷。雲依古洞開。  
海濤生日月。蜃氣結樓臺。賸有長天碧。低垂入酒杯。

其六

支公高臥處。潮湧大江來。鸛鶴飛還集。蛟龍鬪未開。  
月移畱客榻。雲護講經臺。閒汲山根水。頻斟竹下杯。  
端午前二日廣陵社集後同張諧石汪上若諸  
子過飲方可相齋中得來字

旗亭讌罷玉山頽乘興還携勝友來醉裏不知端午  
近客中常見石榴開江淮風景多戎馬天地文章正  
草萊快事只今惟痛飲茂陵作賦轉堪哀

寒食同任公南臯晚步過飲社菴

南臯薄暮漫同游野色蒼茫起客愁寒食兩羈千里  
外梨花又盡五更頭夕陽低處草空碧春雁回時雨  
乍收喜有故人居咫尺陶然把酒一登樓

題王魯山南邨草廬和馬密齋韻

南邨堪卜宅幽興樂爲園細雨勤鋤藥清風閒閉門  
徑過無熱客市遠絕塵喧玄悟超天外微吟坐石根

池游魚潏潏庭舞鶴軒軒放眼空千載觀心契一言  
揮毫雲在手對酒月盈尊高曠惟摩詰憑君識水源

廣陵春暮和吳遵王韻

春衣猶自怯輕寒風氣淮南又一般客底怕過寒食  
節花開花落與誰看

八月五日先君忌辰

只此傷心日蹉跎十四年秋風頻灑淚春夢幾啼鵲  
手澤青編在山河白日懸萬方看寂莫何以慰重泉

哭彭夢峴

去年冬盡愴離羣一別真成生死分舉世更憐知己



少他鄉無復好音聞情多却損人間壽才美空修地  
下文相見有時唯夢寐秋風吹淚落紛紛

送鄒乾一

驪駒歌罷淚頻揮惆悵君歸我不歸連月西樓尊酒  
共一朝南浦寸心違路過京口濤初壯船到婁東蟹  
正肥秋夜若爲吟望處應憐旅雁隔江飛

足夢中句

心無他事惟耽酒囊有餘錢便買書莫笑狂夫渾失  
計眼前榮辱定何如

夢鎡弟愴然有作

半窓殘月照三更夢轉愁聞旅雁聲慟爾隔江孤塚  
冷如何飛渡廣陵城

焦山雜詩和秋士韻

選六

烟雲連海氣鐘磬雜潮聲竹塢秋生榻松寥月到楹  
憑虛看羽化坐久覺心清嘆息勞勞者風波歷世情

其二

地僻塵埃隔禪關傍水扃江光浮遠白天影照孤青  
山以焦爲姓碑傳鶴有銘翻疑歌祝衲遂爾動朝廷

其三

鼉鼉淩作窟鷗鷺狎爲羣海氣終朝見漁歌向晚聞

孤城迷宿霧高閣散餘曛戍壘沿江立何時得罷軍  
其四

天塹東南險茲山障海門潮痕隨日月雲氣變朝昏  
剩有遊人過誰知處士尊當時來漢詔寥落不成村  
其五

絕頂徘徊久清秋望不迷川原還歷歷歲月總棲棲  
鼎峙三山合天垂兩岸齊攀躋幽興發肯倩竹扶携

其六

雙峰高閣坐悵望沈寥天瓜步寒烟外鍾山落照邊  
浮屠存廢址枯樹老何年石上題詩在沉吟仰昔賢

秋夜時阻兵京口

西風吹永夜秋氣滿江天乍覺霜威重方知酒力偏  
百年驚旅夢五日阻兵船淚滴傷心處途窮益泫然

自平...  
 河...  
 水...  
 天...  
 日...  
 天...  
 日...



Faint, illegible text or bleed-through from the reverse side of the page, appearing as light grey smudges and ghosting of characters.

曹德馨

百平... 正日... 其... 風... 天... 沐... 沐... 沐...

三

雲心編序

詩自三百篇後代不數人人不數首其卓然信爲必傳者卽片言隻字足以流光遺響不朽千秋而後人務以多爭勝則惑矣德培曹子幼而孤露長而食貧極人世不堪之境無不備嘗而其骨益傲其志益堅其讀書攻苦亦益力蓋自九歲學詩振奇挾藻卽已驚其長老馳騁今古富有日新年未三十著述幾與身等昨丁巳歲親受鉗錘於鈍翁先生之室舉向之所得棄如涕唾焚硯閣筆收視返聽力剗俗學鹵莽剽賊之弊律加而細法加而嚴安章頓句務合矩度

而不失乎作者之旨余每披讀其詩經營慘澹耳目  
發皇未嘗不嘆其問學之深敏悟之捷而從善之決  
也年來矜慎不復苟作故其詩絕少然可信其必傳  
於後無疑也夫和璧隋珠往往以罕見珍彼砥硤魚  
目雖斗量車載何益哉虞山同學弟唐瑀拜題

雲心編目錄

長洲曹基德培著

會稽徐行樂菴

寧都會燦止山選

鈍翁汪夫子北上敬賦俚言十六章道別

遊惠山酌第二泉

劔囊行

觀大水

試新界

夏日雜咏四首

桐陰

異松

題王咸中堯峰別業

輓介烈汝先生

和唐孺含看竹

同唐孺含訪陳均寧東臯別業

題畫二首

送金亦陶遊黃山

禮金陵報恩寺浮圖

過黃華嶺

墜驢口占解嘲

泛雪和文從原韻

鄰家玉笛最凄清  
思舊懷人百感生  
記得當年蕭寺裏  
晚涼風雨

讀書聲

輓同人

雲心編

長洲曹

基德培著

鈍翁汪夫子北上敬賦俚言六章道別

鳳凰翔寥廓遺響入雲霄舉世如不聞德輝安可招  
籓籬競燕雀啁晰聲相淆所處既各殊得失爭喧囂  
羣愚良足憫見卑忘其高太陽升中天頓覺萬象昭  
羽儀用王國庶幾在今朝

其二

青青原上草未秋已蕪萎鬱鬱山頭松不受霜雪欺



草飛不知處松質無轉移浩氣自終古葆合蘊奇姿  
廊廟亟須材旁求無復遺佇作棟梁用詎比一木支  
蔭庇及蒼生壯麗揚天威俯視樗與櫟紛紛亦何爲  
其三  
數載事躬耕往返堯峰麓老屋三四間編茅更架竹  
努力鋤荆榛及時藝嘉穀不使萑莠長行驗民人育  
秋來庾旣盈牀頭酒初熟置酒爲開顏奇書還自讀  
奚止稻梁謀實爲吾黨勗持此獻  
至尊經綸事已足

其四

西南有浮雲掩冉天一隅白晝爲陰霾狐鼠當道呼  
此亦偶然事自古何時無奈何積歲月廓清無良圖  
念茲心惘惘欲言更囁嚅昨日遇故人濁酒頻頻沽  
舉杯聊共慰長風振天衢

其五

天路本夷曠人事多反側盛名不可居功高每嫌逼  
金穴寧長存冰山更易失物理自乘除變動曷有極  
賢哉魯連子辭榮如不及畱侯亦人傑赤松晦遠跡  
非不念市朝勇退豈無識斯意今古同春風逗消息

其六

春來何處好故園花鳥繁生意滿堦除抱琴開南軒  
山水慊真賞會心不在言舒卷各有時不繫境寂喧  
大道自委蛇薄俗寧復論苟能遠猥鄙出處本一原  
臨期託短章離別情彌敦

遊惠山酌第二泉

木落山容淨泉甘地脉遙酌泉坐石上岸幘青天高  
拂石尋舊題綠字餘蒼蘚茶熟助清吟不覺歸去晚

劍囊行

當年寶鏹出綠水龜鱗龍文爛成綺託身幸得近君  
子終日摩娑良有以明珠爲飾金作環襲以古錦輝

蒼顏懸知神武不輕試世上何處容神姦自從風雷  
眩真宰頃刻冥晦龍歸海魑魅公然白日行開匣惟  
餘劍囊在古花繡澁浮古香精靈隱躍生寒芒齊統  
蜀錦黯無色別有異彩非青黃我爲拂拭再三嘆劍  
去囊空歲時換英雄不遇事蹉跎廢興得失何由算  
自古神物不終離風雲提挈會有時祆星夜落斗光  
燦錦囊珍重無窮期

觀大水

浩漫疑無際乾坤一色中撇波驚海燕浴日混沙蟲  
漁子迷歸路鮫人徙上宮朝宗應有自早爲辨西東

近聞水俱西  
流故及此

試新界

櫻笋初嘗後峒山試酪奴香從雪碗泛色與玉壺俱  
梅雨滋茶竈松風響竹爐不須思顧渚品格未全輸  
夏日雜咏  
年來氛祲未全無南國何由賜半租凌雜米鹽占緯  
象流亡戶口入萑苻是非轉眼蕉中鹿興廢關心屋  
上烏獨抱遺經對斜日江邊只合守菰蘆

其二

長物空餘數卷書草堂寂莫夜窓虛淨名花落鳥啼  
外勝事茶香墨瀋餘捷足儘教爭上駟冶容偏又泣  
前魚松風一榻知誰並不數金門與石渠

其三

曾是天公錯一等鴿長鳧短任啁啾明知伎倆輸山  
鬼終愛丹青飾土牛花滿勾闌腰鼓鬧月沉畫館酒  
旗收鐘鳴漏盡誰先覺大地茫茫類轉郵

其四

赤地從教變石田暴疍徙市正紛然蝸蟾若沸翻成  
隊蜥蜴何知欲上天穉稔枯時莨莠盛星河明處火  
雲鮮神龍穩臥滄江畔何日爲霖潤八埏

桐陰

疎桐百尺是吾廬。庭院無人愛索居。覆日能消三伏暑。鈎簾長護半床書。最添濃綠雨來後。稍漏清光月上初。榆柳成行俱不羨。差堪松影共相於。

異松

在太平縣

覽勝入仙源。山城古木繁。長楓多繞寺。落葉半依門。曲折窮幽境。紆迴達遠村。道傍磨斷碣。嶺上識靈根。似向天台見。寧同石室論。仙遊忘歲月。世紀歷寒暄。濃淡疑分界。高低本一原。鬱蔥將日蔽。疎朗任風翻。聳秀承清漢。垂陰作翠軒。乾坤鍾間氣。雨露沐殊恩。

夏社應難比。秦封敢並尊。畫圖仍罕覩。名勝自長存。逸響清煩暑。新苔蝕舊痕。只宜物外賞。不逐世間喧。

染翰慚佳頌

嶺上有石刻異松頌

臨風寄短言。婆娑不忍去。明月欲黃昏。

題王咸中堯峰別業

鈍翁夫子堯峰住。山色蒼蒼帶雲樹。偶隨杖屨過前溪。王家亭子當山路。疎籬一曲寒梅香。紙窓棐几垂縹緗。主人愛書兼愛客。相逢一笑非尋常。指點茶鐺看疎竹。繞堦流水鏘寒玉。此地雖非華子岡。只今便似王官谷。攜手嘯傲烟霞中。愧我輸君一畝宮。徘徊

却望歸來閣。鈍翁所居松間謾謾來清風。

輓介烈汝先生

黑雲壓城白日昏，腥風血雨開陣門。疆土日蹙百官走，誰念朝廷養士恩。吁嗟汝君真介烈，慷慨赴義回乾坤。灰劫今餘三十載，正氣耿耿輝朝暉。式廬表墓惜不及，草野公論千秋存。大書特書徵信史，庶俾頑懦敦夔倫。

和唐孺含看竹

接得詩瓢珍重看，清吟長寄碧琅玕。懸知散髮披襟處，三徑蕭蕭六月寒。

同唐孺含訪陳均寧東臯別業

出郭問東臯，扁舟去未遙。斜陽明野渚，小築傍溪橋。人靜松聲細，談淡香篆銷。杳然城市隔，長往不須招。

題畫

一雙白鳥下沙汀，蘆葉初黃荇葉青。無數漁船爭放槳，鯽魚風起浪花腥。

其二

打鼓鳴榔破曉烟，五湖水漫欲浮天。魚蝦只願量成斗，不羨南岡學種田。

送金亦陶遊黃山

天下名山應有幾仙靈詭怪何時已百年芒屨不能  
遍勝遊好自黃山始黃山之高高插天三十六峰紛  
雲烟丹竈千春闕石洞蒼松百尺圍溫泉君今載筆  
曳筇杖取道新安神轉王紫陽白鶴指顧間鍊索浮  
橋空翠上能遊自古稱何人鷄犬雲中罕問津羨君  
能詩兼善畫振奇選勝誰爲倫我昔曾經太平縣訪  
佛天都望中見僕痛景晏不及登至今夢想餘蔥蒨  
瑤臺笙鶴近何如慚愧塵緣未盡除山前倘遇浮丘  
伯爲我早寄雲中書

禮金陵報恩寺浮圖

凌雲塔勢自嵯峨月斧雷車浩劫過五夜燈光移日  
月百年鈴語憶山河遙看去鳥空中沒自喜清風高  
處多桑海於今成隔世親恩鄭重更如何

過黃華嶺

我本好奇人今上黃華嶺鳥道盤山根羊腸出松頂  
路絕小橋通泉奔危石梗羣峰四面合濃翠濕衣領  
白日懸中天下照毛骨冷蒼崖印虎跡黑徑少人影  
幽鳥識危機落葉發溪警惟恐去不速何暇耽風景  
前途漸夷曠回顧猶心耿題詩寄後人深夜吟至丙

墜驢口占解嘲

身世茫茫未有期  
不平路徑類如斯  
蹇驢墜我君休  
笑得意寧無失足時

泛雪和文從原韻

山川一色浩漫漫  
凍合溪橋轉棹難  
舴艋較於驢背  
穩郊原勝似兔園寬  
一雙鷺下全無影  
十里風吹不覺寒  
偏是名流多勝事  
長吟新句比幽蘭



耕煙集序

余表叔顧逸圃氏讀書依園每過輒見高人滿坐考論古今登臨歷覽必有往來倡和之作稽山徐槩菴寧都曾止山兩先生因敘而選之題曰依園七子詩選而七子中金亦陶及黃憲尹尤與余相得爲忘年交亦陶之詩余表叔俞犀月氏旣爲序矣憲尹則以余爲粗能讀其詩也亦俾余序之余覽耕煙集皆情思幽涼襟期超曠而憫時憂世之志亦往往託乎其間嘗聞君家山谷氏有言曰臨大節而不可奪者乃爲不俗人今竊觀憲尹交游中其稍稍知學爲詩因



以取富貴去者多矣而憲尹惟日與依園諸子倡和於蒼苔老屋中初無譁世釣名躁動干進之思固窮守約不以變其節斯其性情爲何如哉昔嘉靖時文徵仲祝希哲唐子畏沈啓南王履吉諸君子日相吟咏而其中尤推啓南爲最余高王父若溪先生晚出而亦預焉其詩極爲啓南所嘆賞當時所謂六逸者是也今依園諸子不愧昔賢而憲尹之詩多有逼似啓南者其書法劖動回格蕭疎皆可以相上下且余亦適廁交游之末是宜爲序也獨念以今日視啓南之時俯仰百有餘年詩道之升降亦已非一而江山景物其足係盛衰之感者抑多矣此則忡忡然有觸於中而莫可解者卽憲尹集中所爲憫時憂世之什亦有所不能盡而敢謂余序果能盡其性情之所至也耶同里何焯序

耕煙集目錄

古吳黃玠憲尹著

會稽徐行榮菴

選

寧都曾燦止山

過陶古石茅菴同韓君望

登槎山

舟中

春日山中即事

訂徐深明看梅風雨不果

飲酒

猛虎行

戰城南

采蓮曲四首

溪居二首

客夜聞琵琶

山行古

冬日村社

途次口占

張蒼倫勸圃歌

感懷

九日何山登高同仲祖尼殷斐伯徐嗣父楊英

公

過虎丘後山

山行

題畫二首

聽松堂歌為江翊侯賦

關山月

酬寄梁逸民

別汪照青五載東寄見懷詩作此酬謝

李秋森客遊三年歸里見訪夜話有作

錢舜舉楊妃幸蜀圖

張蒼倫移居陸墓

題畫

迎神曲

送神曲

烈松行

冬日過虎丘訪余鈍菴同張元起張蒼倫華子

觀穫

早秋聞蛩

登陽山絕頂望太湖

李秋森遊浙詩以招之

偶成

葉漢章棧道圖歌

秋山夕照圖

溪步

將之滁陽留別諸同人

渡江

江上聞笛

早行

井里集目錄

維揚旅次送許子柔歸新安

送王友臣南行

渡清水潭

界首曉發

餘溝

小古城

秋日山行

剡城道中

絕句二首

任丘晚步

客中除夕

枕上

蜀葵

聞雁

送潘雙南之廣陵

垂柳

依園納涼

病中聞金筮文病

病中感顧逸圃餽贈

曉雨

遣懷

閒坐

蘇中國金盆文燕

九原附錄

垂勝

卷諸史前之真刻

問訊

問訊

問訊

問訊

耕煙集

過陶古石茅菴同韓君望

古吳黃 玠憲尹著

性不厭寂莫始能居澗山結廬不在廣心靜身即閒  
巉巖削如壁石罅流清泉老僧悟至道萬象無言詮  
觀空息煩想妙義當目前落花遶庭隅微風下遙天  
杳然不知返鐘聲起蒼煙

空音登槎山

我來登槎山蘿徑得深入盤曲無危岡不藉攀援力

峰頂頗平坦曠覽爽胸臆歷歷辨溪樹置身天半立  
空音發羣籟荒秦起瑟瑟太湖激波開層巒冒雲濕  
苔痕間蒼黃石勢互平仄俯瞰鷄犬村縷縷炊煙直  
屋角裏梅花山家擁寒色忽然香風吹乃在足間出  
縱橫眩雙目清冷透重襲携雲認來路歸坐想十日  
纔得離家後孤帆十里風遠村烟樹小斷岸石橋通  
草碧遙天外山青夕照中磬聲何處寺只隔水西東  
春日山中卽事

四野天垂接草低東風吹長麥苗齊初過細雨青山  
濕猶作輕寒燕子迷楊柳村家黃石路杏花酒店板  
橋西太平何事占豐兆春社人歸醉似泥

訂徐淡明看梅風雨不果

昨日先憂今日雨果然夜半作春寒誰知癡願成虛  
約始悔淹畱不急看訂友有詩投簡易回天無計料  
晴難明年若遇花消息煙水扁舟莫待殘

飲酒

腐儒愛學古自顧世莫如肘露無完褐瓶罄無宿儲  
輒云經濟才不屑謀其餘未識唐虞前所讀何代書  
兀兀玩歲月咄咄老敝廬嗟哉古聖賢悞人良亦迂

眷言酌旨酒冥然游太虛

猛虎行

吳郡故無虎比年數聞有虎莫知所自來因擬古樂府作猛虎行

陰雲霏微風更淒落日慘淡烟欲迷溪上人家駭虎跡  
鷄犬無聲烏亂啼烏亂啼鬼哭草荒地白血漉漉  
漉噫吁戲近日江南虎漸多白晝殺人將奈何

戰城南

戰城南鬼夜哭有尸不裹三寸木老鴉銜腸上空屋  
血流汨汨擁箭鏃陰雲慘淡殺氣高悲風吹鬼沉江  
濤江東添甲提短刀軍餉不足籌秋毫

采蓮曲

四首

阿儂采蓮到湖東舟停柳岸吹涼風低頭檢花花似  
斗誰知一摘芒傷手

阿儂采蓮到湖西采得蓮房香滿衣阿娘但說多子  
好多子那知花已老

阿儂采蓮到湖南弄水蘭橈儂興酣根在湖中花在  
手心絲不斷猶連藕

阿儂采蓮到湖北葉蓋鴛鴦羨比翼儂歸却恨宿空  
房那忍回頭看曲塘

溪居

十里沿堤路春風細草齊臥花迎客犬棲樹引雛鷄



地靜安烟火年豐息鼓鞞雲開山翠出滴滴映窓西  
其二

徑入花叢裏蓬門傍曲塘  
印斜山滿屋風過竹低牆  
處世曾無術長生不藉方  
時時尋父老晴雨話農桑  
客夜聞琵琶

獨坐西風裏堪憐老歲華  
未眠原是夢可宿暫爲家  
斜月寒孤夜殘燈半落花  
青衫淚已濕况復聽琵琶

山行

地僻寒生早山家半掩門  
僧歸殘葉路犬吠斷烟村  
落日荒漁市西風掠水痕  
經行無一里蕭瑟欲黃昏

冬日村社

茅屋止數家竹木自成村  
往來雖異姓相見如弟昆  
今年田事好祝神薦鷄豚  
酌酒前致辭再拜酌神恩  
永期至白首朝夕餘饗殮  
一方絕水旱歲歲耕郊原  
完官更無事差徭不到門  
小兒能牧牛大兒早生孫

途次口占

黃葉覆人家半在斜陽裏  
蘆岸出青烟知是漁舟起

張蒼倫鋤圃歌

編籬插竹疏荒土抱甕搜蟲墾作圃  
霜菘香氣雜春韭菽葵馬齒當門戶  
離離豆子秋日花長藤一半青

門瓜隔山吹雲作細雨及時灌溉增泥沙我知剪苗  
可烹煮鹽和椒點勝魚蝦一時鵝掌遜不及異味鼈  
裙何足誇冬天蕭蕭北風急牀頭甕滿壺鹽汁高堂  
菽水多忻忻讀書不受飢腸澁何爲今時食肉人劈  
麟炙脯陳鱸鱗萬錢日費箸不下誰餽猪肝念士貧

感懷

陰陰綠葉覆柴扉九十春殘花正飛人處薄寒當麥  
秀蠶眠初暖值桑肥多愁始識謀生累無術方知失  
學非何日卜居山澗側門深薜荔入城稀

九日何山登高同仲祖尼殷斐伯徐嗣之楊英

公

今日曾無風雨來憑高蕭瑟立徘徊山多秋氣千村  
靜雲裏寒聲萬木哀尋菊圃荒高士少携尊人坐夕  
陽開一年有幾相逢地那得君前不醉回

過虎丘後山

爽氣西山來出門意何曠紆折過秋塘緩步情亦暢  
憶昔遊天平捫蘿試一上雙足裹雲氣四圍列屏嶂  
壁立千仞峰蒼莽信難狀虎阜苦不高况復亭臺障  
堆削非不工毋乃真朴喪迤邐入幽僻煩心始開宕  
山川歷指顧天地隨俯仰

山行

片雲北望是長安曲磴紆迴鳥道盤行到野橋淡樹  
裏千山落日照衣寒

題畫 二首

屋枕青山門瞰湖霏微秋露滴庭梧今人空自稱淹  
博曾有圖中萬卷無

半是青山半是湖應憐無地可逃租道人自有安居  
計收拾茅廬入畫圖

聽松堂歌爲江翊侯賦

余亦有閣名聽松松高十丈烟迷濛濤聲夜半恐覓

夢忽疑天際吟神龍紛如逸馬下長坂幽如疎雨聞  
山空復如孤鶴唳雲外半作潑刺彈絲桐自謂知音  
名此閣不信君家與我今相同盡說庭前兩松樹天  
矯直上凌蒼穹皴皮鱗鱗斑欲活攫拏勢若騰天宮  
主人好事復愛客北海金尊映琥珀風落庭隅四座  
寒餘音幽曠清塵跡我願世間好畫手畫出兩家松  
下友不知此聲誰善聽毋乃輸君富詩酒

關山月

玉關一片月天濶路漫漫虎帳吳鉤冷龍沙玉鏡寒  
隨人悲出塞引夢到長安遙憶閨中婦砧聲應未闌

酬寄梁逸民

不道睽違後相逢如許難

巳酉晤後至癸丑始復相敘

幸今棲舊

地

丙午余寓孫武溪戊申巳酉寓溪東癸丑復寓溪上

復與話春寒人在花源

路居同烟水灘往來無一里最易寄詩看

別汪照青五載東寄見懷詩作此酬謝

動有經年別那堪不繫思一從攀柳後五見落花時

世易寒交誼君能重故知情淡遺尺素盡是見懷詩

李秋森客游三年歸里見訪夜話有作

三年作客走風塵今喜來過見故人驥老尚悲無伯

樂曲高誰信是陽春携兒自向他鄉大

秋森携子遠游歸里

難消舊日貧同病互憐盈把淚却從燈下說艱辛

錢舜舉楊妃幸蜀圖

蜀道崎嶇行不得太真走馬嬌無力稱戈原是錦綉

兒阿母何須淡避匿倉皇已失雪衣娘瘴寒解語花

無色唐室當年致亂誰今日方知女傾國何人點染

工紛紛元時高手稱錢君粉黛三千失隊次號國何

從朝至尊或言畫者有淡意規諷君王遠色計淫荒

喪亂多流離牀第曾非太平地君不見館娃宮畔越

兵來千年寒月照荒臺又不見玉樹歌殘秋不曉風

流天子埋荒草錢君錢君畫此圖馬疲山險多模糊

當時更有賢妃子曾畫脫簪跪諫無  
張蒼倫移居陸墓

悲歌時與話艱辛忽自移書遠市塵負郭原非尋不  
到去城終覺見難頻簞瓢偕隱携諸弟戎馬無驚慰  
老親聞道後園餘十畝栽花種竹是閒人

日暮少行人秋風掩蓬戶似聞烟水間一片瀟湘雨

迎神曲

衝雲騎下蹴花入紙錢作灰飛正急門開雜沓旌甲  
寒蘭漿桂酒邀神歡女巫髻插金鳳舞笑指燈前見

神虎神食不食誰得知飢鴉叫嘯陰風吹陰風吹向  
前拜禮不周神勿怪

送神曲

珊瑚鈎簾紫霞起繚繞霞開露鸞尾巫言匆匆神欲  
回葡萄滴堦撾鼓催玉龍百尺踏空舞珮帶玲瓏拂  
地戶天風吹引鳳笙寒太平歌唱齊作歡香散霏霏  
團霧小車聲鱗鱗隔花香

烈松行

年因海警時造海艦多采民間墓木洞  
庭馬氏墓有古松亦在采中馬氏子求  
免不得乃抱松而泣夜半  
有聲如雷松忽自裂死

槎枒秃兀鴉鵲叫洞庭月冷悲風嘯鬼哭秋草愁茫

茫青熒熒走墓傍兒孫血漉號穹蒼夜半霹靂飛  
寒光巨靈揮斧摧雪霜陰雲淒迷老龍死鱗落紛紛  
滿苔紫空山委棄甘荒蕪不樂軍前載弓矢

冬日過虎丘訪余鈍菴同張元起張蒼倫華子

三

朔風天地肅重林覆嵐氣紆迴過山堤朋徒快晴霽  
入寺步高岡落葉散幽砌眷言念故人攀磴一相詣  
揖坐開歡顏言難盡餘意歷歷望遙山淡烟起寒地  
嘯歌起壯懷松風慰休憩出門背斜陽清磬下雲際

觀獲

秋山落餘照野岸生微烟老農執鎌刀偃僂刈原田  
躊躕忽自立相看一泫然半以輸官稅半以償私錢  
數口徒嗷嗷將何卒歲年老婦與稚子競來勸翁前  
東隣有富室出入乘車船微粟朽倉廩夜夜聞鳴絃  
西隣有貧戶瓶罄哀顛連鬻兒完夙負骨肉歎不全  
我今苦耕耨衣食粗周旋北上歡不足比下愁可捐  
束稻負擔歸明月滿東阡

早秋聞蛩

微物知時序悲吟又得聞新聲兼落葉餘韻感離羣  
羈旅歸殘夢疎燈冷斷雲無衣秋思苦寒信報紛紛

登陽山絕頂望太湖

蒼茫微徑烟濛濛側石幽削安奇峰斧痕半壁疊空  
翠蘿青苔紫紛蒙茸古栢千秋齧霜雪偃伏勢若蟠  
神龍盤崖曲磴高真墓靈湫陰陰蕩濃霧鄉人禱雨  
投金符霹靂侮晴下山路攀藤捫葛千尋高彷彿直  
上凌青霄矯首豁然見幽曠太湖萬頃烟波濤捲雪  
泮泮激鰲足鼉鼉狎浪飛潛蛟七十二山列螺髻遠  
樹霏微半雲氣片帆逆險爭洪流杳渺斜陽動天際  
昔日雄圖安在哉空餘箭闕兩峰開浴日亭前荒雨  
至百年霸業銷莓苔長風凜凜吹肌骨我欲携雲步

天闕一聲浩唱小乾坤雙手撥丸弄日月

李秋森游浙詩以招之

世路難如此君何歷畏途百年幾歲月一半在江湖  
夢寐懷人夜風霜念客孤六橋遊憇後曾憶故園燕

偶成

清韻蕭疎處士家薔薇五月尚開花瓦盆貯得黃梅  
水石磴風前自煮茶

葉漢章棧道圖歌

有客示我葉君三尺絹畫出千山樹蔥蒨葉君畫法  
宗董黃思訓荆關隨意變此畫筆墨更不同李郭縱

橫稱獨善虬樹勾枝剔鷹爪卵石皴皮類鬼面褒斜  
劔閣連青泥棧道中分如匹練壁澗奔湍橫獨木石  
竇天開飛一線披瘴衝烟是誰子曲磴牽驢走天半  
嗚呼古稱蜀道險峭行人迷嗟峨怪石排天齊萬壑  
轟雷盤鳥道重岡摩日聞天鷄洞口血腥俚鬼泣嶺  
頭淚濕哀猿啼今日見畫知不謬陰風慘淡烟淒淒  
只尺萬里重關險雙目三日寒雲飛願君再畫子規  
叫落木喚取行人及早歸

秋山夕照圖

山徑蒼茫烟水鄉西風瑟瑟下秋塘渡頭葉落人歸  
後無數寒鴉噪夕陽

溪步

出門晚氣涼天青望寥廓曠然向疎林別得一村落  
野老三四人坐對話收穫年來苦穀賤豐登利亦薄  
秋糧及貨錢公私兩迫削甘旨尚不供婚嫁亦難作  
來年遇水旱何以免溝壑相對各歛歔掩門嘆蕭索  
將之滁陽畱別諸同人

離家豈得已此意自難陳貧賤輕千里江湖練一身  
半窓殘月夢隔宿異鄉人重待歸來日燈前話苦辛

渡江



日出散曉霧光芒射龍宅洪波盪天地怒濤走沙石  
雲脚裏逆浪風聲撼霹靂琉璃堆萬頃飛雪捲千尺  
茫茫巨荆揚滔滔蕩竟鬼乃知四瀆尊會納百川澤  
奔趨躍礧礧沸騰釀危厄鼉鼉狎泮泮魚鱉駭噴激  
寥廓影森寒迷濛氣虛白不知古神禹何以施排策  
鑿地導朝宗隨山治源脉苟非八載功昏墊今憂溺  
美哉號天塹南北限強敵六朝多虎踞曾不障牀席  
在德不在險古語良足惕水濱有餘恨千載流澗澗  
蛟宮宿怨鬼鰲背釣陳迹日月老征帆乾坤送行客  
遙遙望故鄉渺渺音塵隔忽聽金山鍾烟起一江碧

江上聞笛

短笛吹何處初疑在隔船似將幽恨意偏奏旅人前  
斜月天涯淚孤舟江上烟清商聽未了調轉更凄然

早行

已是鄉關遠前途未可期斷橋殘月路落葉曉風時  
馬過荒坡急鷄鳴野店遲祇因貧賤累何敢憚驅馳  
維揚旅次送許子柔歸新安

烟水蒼茫外君行我獨畱人分兩地月帆去一江秋  
道路誰知已風霜老敝裘黃山鼙鼓急早慰倚門愁

時新安有警子  
柔欲歸省親

送王友臣南行

木落多蕭瑟孤鴻那可聞  
西風吹客夢曉月渡江雲  
今日方思武逢人莫論文  
不知彈鋏意何處孟嘗君

渡清水潭

斷岸連淮瀆奔流滙碧波  
無邊寒氣白祇見凍雲多  
激石衝沙走橫舟截浪過  
莫言此地險前去有黃河

界首曉發

剛有還家夢鷄催東曉裝  
隔江迷故國舉目是他鄉  
門掩孤村月人寒衰草霜  
蹇驢前去穩倏忽過危岡

餘溝

已到餘溝地淒涼極可憐  
近隣無十室架竹只三椽  
風捲沙成霧雲低草接天  
人言河決後居此自今年

小古城

土人云卽項羽  
殺宋義渡河處

破釜沉舟日軍行捲疾風  
諸侯觀壁上子弟練江東  
不阻章邯勢應無赤帝功  
若將成敗論何以服英雄

秋日山行

尋幽不到山何以恣遐矚  
振衣向西岡携筇望東谷  
天氣亦復佳秋風動林木  
斜陽隔野岸蒼烟覆山麓  
歷歷辨遙峰轉行入層曲  
松葉暗微徑石潭漱寒玉  
忽聞鷄犬聲側足見茅屋  
土風朴且儉衣食計蓄牧

余願積千錢買山老耕讀牆下多植桑園前滿栽竹  
矮簷挂蒼藤東籬采黃菊此志良已堅不煩詹尹卜

剡城道中

寺鐘促曉拂征鞍野曠蒼茫駐馬看入眼青山隨霧  
沒打頭黃葉帶霜乾家收梨棗供生計路少桑麻豈  
禦寒聞道今年俱草食世無鄭俠繪圖難

絕句

返照明斜塢青天點去鴉隔林聞語細知是有人家

又

一徑斜陽外山淡去路遙問人尋旅店沽酒到河橋

任丘晚步

荒郊漠漠暮烟平客路凄其百感生樹接凍雲寒古  
道水明殘照下孤城新成茅屋依岡起未種沙田待  
雨耕此去長安三百里匆匆猶欲戒前征

客中除夕

節序云除歲離人尚着鞭今宵仍舊曆隔宿是明年  
歸夢千山杳鄉心兩地懸一杯椒葉酒醉向旅燈前

枕上

失學多慚是病貧無端枕上更傷神追思二十年前  
事忽作三千里外人夢斷夜寒聞鼓角鷄鳴人起撲

風塵未知浪跡江湖上何以還家慰老親

### 蜀葵

不隨風信易凋殘紅白參差點石闌誰念錦江來路  
遠堦前只作草花看

### 聞雁

十月寒蘆渚江南鴻雁飛不知經過地何處稻梁肥

### 送潘雙南之廣陵

逢君卽是別離時旋折河橋柳一枝生計驅人家是  
客雄心罵世俠兼癡雲迷芳草烟中路日落青山江  
上詩握手遠期南雁後秋風何以慰相思

### 垂柳

絲絲吹碧覆閒門縮入愁心合斷魂纔帶綠陰迷白  
眼又墮芳草閉黃昏陌頭烟雨歌三疊笛裏關山月  
一痕最是難消千古恨隋堤漢苑總荒村

### 依園納涼

地靜宜銷夏門深隱薜蘿不須團扇力自覺好風多  
樹密先秋意人閒向晚過一尊待明月詩興復如何

### 病中聞金筮文病

久矣憐同病誰知病果同豈須聯榻臥自有寸心通  
藥碗秋先失西風兩鬢蓬一朝驅二豎相訴阮途窮

病中感顧逸圃餽贈

時序今年早蕭疎秋色闌曉風桐葉響細雨豆花寒  
臥久依牀怯家貧買藥難雪中能送炭千載古人看

曉雨

曉雲聚寒意病裏夢方回月尚半窓白雨從何處來  
空庭愁點積落葉聽吹開最是西風急寒衣早晚裁

遣懷

此身只合住青山悔有妻孥了不閒借得好書無暇  
看偶成新句未能刪製衣無力年年縫入世纔知步  
步艱如可脫然成隱志秋烟買向五湖灣

閒坐

小窓復得坐秋光檢紙猶然畏藥方捨味漫求苦口  
料貪生只道草根香微軀豈合還畱世不死應償未  
了忙今且收將愁事過逢時便醉更何妨



匪莪集序

詩自風氣屢遷浮華競尚竟陵二子起而憂之欲以  
已見獨得挽旣逝之頽波然而矯偏過甚其失則均  
安在寒鴉枯木可與於揚風扞雅之選無怪乎天下  
能言之家始而信旣而疑終則排擊之無餘力少陵  
云王楊盧駱當時體卽昌黎亦云李杜文章在光芒  
萬丈長之二公者其造詣何若其從先則古之意更  
何若矧才不逮夫古人動欲標奇立異以欺當世又  
烏見其可哉余謂詩本性情天機觸發自成專家不  
必牽強臨摹反失本來面目惟就其造詣所近各抒

蘊懷而其理自得故茂苑夙稱多才而以依園七子  
爲最吾友金子筮文其一也余往來浙閩艤舟江岸  
必過其庭貌溫如言藹如湛然靜穆浮氣都捐與之  
晤對竟日絕不見有喜愠之色此其人有足多者至  
於所著詩才思濬發語必造極登峰每寓意於法中  
得神於辭外不屑規規古人而匠心獨往自謂過之  
覺其濃不過豐淡不削色雖使杜韓復起亦應推服  
何有竟陵茲以匪莪集一編問世洵可稱登作者之  
壇而增雞林之價矣且七子各負異才日與居遊聯  
舟並轡擊鉢留題使古大雅之遺風升而不墜厥功  
孔多卽謂與建安諸賢相頡頏可也矧移時出對大  
廷賡歌喜起羣萃一堂同寅協恭之雅皆自今日肇  
之則余於茲集不能無厚望哉古杭同學弟丁灝勗  
菴拜題於虎丘舟次



匪我集目錄

長洲金 賁筮文著

會稽徐 行礫菴

寧都曾 燦止山 選

猛虎行

艾如張

過支硎山舊讀書處

春日訪友人山居次孫雲韶韻

謁睢陽廟

訪礫菴熊先生華山略及先文毅公事

秋日漫興

孤兒行

山中曉起

歸新安途中雜咏四首

咏玉蝶梅

和程聚于雪阻倡吟兼寄此山家叔

雨中同王震勗江石鳴携酒就程雲士山莊觀

梅不遇分得懸字

將進酒

移居城外

喜此山家叔至自新安

練江行

渡錢塘

送程方洲遊都門

過湖州

出門

竹下

讀蘇秦說秦王有感

歸宿肇遷草堂二首

宿鹿城正覺菴

要離墓

胥口謁伍相祠

灌菊

夏日山居

桐花

建蘭

臥北窻下懷五柳先生

竹林避暑

月夜遣興次董孝若韻

除夕

烏棲曲

題雅園贈顧懷一

催租

謁岳武穆墓

登靈巖望太湖

洞庭天王寺松

過金山

過柰山有感

咏水仙

空山大雨後觀瀑

聽顧逸圃彈琴

垂柳二首

蜀葵

弔妙巖公主墓

咏楊梅

依園納涼

公無出門

匪莪集

長洲金 賁筮文著

猛虎行

北山有虎南村夜哭有鼻有夫俱遭虎毒虎實殺人  
胡爲不戮張爾弓挾爾矢一發中虎須臾死虎不死  
還哭子白日昏黑風起俛鬼驅人去鄉里嗚呼劉昆  
不作急催科誰復負子北渡河

艾如張

飢莫啄飛莫數飢啄未必生飛數有何樂君不見籬

邊有網張四空網絲密密藏蒿蓬機關一墮無由脫  
霎時族類羈樊籠寧忍飢高處飛隴頭穩好不如歸  
過支硎山舊讀書處

昔作山中客春深二月時花間游子屐陌上美人思  
彭澤三秋臥高陽十日期而今芳草換非復舊亭池  
春日訪友人山居次孫雲韶韻

曳屐尋幽徑柴扉雲外看兩橋橫柳岸一艇繫河干  
蔬美鋤龍角香清碎月團晝長無箇事山色寫毫端

謁睢陽廟

江上睢陽廟不更千年血作暮潮聲松杉色映青山

老劔戟光依日月明掘鼠朝餐仍飽士烹姬蓐食更  
麀兵書生矢志期殲賊願借將軍厲鬼名

訪蘗菴熊先生華山略及先文毅公事

名山今日爲公開四面烟霞捲地來賸有林泉供色  
笑更何人事動疑猜文章並作千秋業浩氣空留萬  
劫灰世路茫茫同瞬息相看莫惜掌中杯

秋日漫興

隔渚荷衣未褪紅芙蓉又見倚西風蹉跎歲月霜侵  
鬢偃蹇功名鬼瞰窮金盡牀頭顏色在劔鳴匣裏碧  
天空年來厭逐繁華事且臥閒窓看落桐

孤兒行

北風凜凜雪花飛。金閭亭畔行人稀。獨有孤兒號且泣。自言無食又無衣。住足問孤兒。因何窮至斯。孤兒掩淚前致辭。我本農家住天池。阿父種田六七畝。得穀不能支兩口。阿母績麻三四升。破衣一尺不遮身。年來衣食雖不足。還有新絲與新穀。今年無雨夏及秋。高田尤苦粒無收。春租夏稅兩相迫。里閭追呼夜不休。阿父赴徵比。阿母食糠粃。阿父年老不勝刑。淋漓血肉歸家死。阿母傷心亦自縊。遺下孤兒行路乞。至今骸骨委荒草。求棺欲掩身。無計兒亦恐難生。不得久相隨。斃說罷。淚如雨。嗚嗚不能語。我亦窮途不得志。聽之不覺心倍苦。解衣衣之不禦寒。推食食之不加餐。惟願蠲租歲常見。凶歲終身生死安。

山中曉起

旭日山光動。寒林露未晞。鳥聲多不辨。花徑早來稀。掃葉煎泉水。呼童啓竹扉。飽飡無別物。霜老菜根肥。

歸新安途中雜咏三十首

選四

羣山爭外赴。水勢坼天奔。怪石疑龍鬪。狂瀾作雪噴。烟霞青嶂路。鷄犬白雲村。宛轉千盤上。回看欲斷魂。

其二

嘆絕壺公術難窮路不平江邊雲樹晚天際雪峰清  
繫夢家千里懷人月五更萍踪無可託愁聽雁孤鳴

其三

將母不遑處書囊遠自擔當年懷鼎五今日失筓三  
黃卷儒冠誤白衣故里慚喜聞鄉語近行過小溪南  
賦其四  
翹首屯溪近危檣落布帆長干新別淚司馬舊時衫  
夢斷詩千首愁餘字一函歸來何事急先訪白雲巖

咏玉蝶梅

白玉堂前見却稀薄施脂粉鬪芳菲試將蝴蝶來相

此開到殘時一樣飛

和程聚于雪阻倡吟兼寄此山家叔

喜有窓前雪堪畱長者車寒侵樓上榻光映壁間書  
得句頻呼酒尋梅更剪蔬山中人勿臥乘興到吾廬  
雨中同王震勗江石鳴携酒就程雲士山莊觀  
梅不遇分得懸字

燒燈纔過雨連綿結伴來遊興獨偏四面青山雲作  
障一溪綠水葉爲船揆梅空負良朋約載酒還投白  
雪篇乘醉不知歸路晚江村漁火望中懸  
將進酒

日晏不再中花落不復紅人生垂老不還童青蛾皓  
齒教歌舞王杯犀筍薰春風羅山珍列海錯燒銀缸  
張繡幕勸君有酒須頻酌門外流光似擲梭須臾黃  
髮看皤皤今者不樂如老何

移居城外

陋巷纔離郭居心已近山不愁來剝啄惟喜任疎頑  
樹密遮書幌花飛護蘚斑萍踪欣有託且自賦閒閒  
喜此山家叔至自新安  
故國年來夢亦稀平安今喜問慈幃田中小麥秋應  
至隄上垂楊大幾圍越水有情新客棹吳山無恙舊

柴扉欲知別後親朋事昔日門牆半已非

練江行

混茫初開氣亭毒屹成五嶽擎天軸五嶽爭雄峙五  
方更有黃山鎮南服黃山之水天上來沐流涌瀉同  
奔雷派分松蘿與金竹漁亭一線不容開禹王治水  
注錢塘練江千里始通商上連河西下接閩二水旣  
合成汪洋練江從此高且險三百六十灘曾檢危檣  
上下數千百上如登天下如閃桐廬城郭倚江岸四  
面環山城可灌七里龍中釣魚臺奇松怪石真幽哉  
客星亭下漁舟亂鷗鷁入水捕魚回烏石灘高作門



戶巖州儼如天半住東筦人烟塔影浮日斜帆指鍾  
潭路從此村塢多寂寥山山夾水昏凝霧恍聞鷄犬  
聲雲中扁舟一葉中流渡茶園最惡木犀灘人力竭  
今難上難魚梁障水吞白雪小石生苔織綠瀾沿江  
烽火頻相望馬飲清泉軍立仗綠林豪客夜無驚到  
處堪嗟生齒喪樵夫薪負北山巔牧豎歌橫牛背上  
東溪口轉淳安城山忽清新地忽平一字浮舟橫鏡  
纜萬家烟火半陰晴海公吏治昭千古祠畔松杉分  
外青小金山阻無人到響徹空潭日作聲威碎烟色  
橫溪北樵徑依稀認不得山當東處更嵯峨俯視龍

宮咸失色野貍渡水如飛蓬虎嘯荒林起怪風石笋  
廉立侔劔戟時或峭立能玲瓏歙州天設固吾圍街  
口分防實其所往來行李爲最多酒旗村店招徒侶  
一醉三仙亭上月忽聞麝鹿鳴孤嶼米灘峻急高百  
尺浪如山崩天地坼鍊頭篙子入波輕人立巉巖繩  
繹繹對此何如蜀道難恨少新詩同李白奇峰新聞  
種茗花清香馥馥摘金芽松蘿絕頂不盈掬上品由  
來重白沙我有清泉煮且沸盧陸何曾辨此佳六州  
保障賴汪公千載崇祠祀享同華表尚存知故里安  
瀾誰復憶神功浦口斜流梁下水鳧鷺出沒晴波裏

遠山燈火近黃昏  
晚渡人歸爭未已  
鐘聲夜勁不能眠  
况復濔濔喧吾耳  
曉望岑山渡不遠  
古木蒙茸跳麕麕  
巍然水上立高峰  
渾似魚飛掉尾轉  
華屋重重結比閭  
水過烟村灘愈淺  
繁華仍自數溪南  
水光山色亦成酣  
臺榭笙歌成往事  
隄邊桃柳少人撿  
草市繇溪次第接  
曲檻迴廊不畱睫  
扁舟恍入畫圖中  
觸石波濤爭擊楫  
松栢青青見率濱  
阻雪裁詩憶故人  
長干漸近屯溪市  
回首雲山月一輪  
練江之道纔過半  
欲溯漁亭還漫漶  
杜鵑枝上雪花飛  
四時景物驚頻換  
我家故里住溪陽  
自別桐廬十日長  
得意放歌

過百句莫教山水笑人忙

渡錢塘

十月戒南行  
錢塘浪不驚  
寒林鴉幾點  
落日雁無聲  
回首吳關遠  
鄉心白嶽橫  
江山堪極目  
何事與潮爭  
送程方洲遊都門

幾載寒窓發浩歌  
英雄失路嘆如何  
君今仗劍燕臺遠  
我獨看花虎阜多  
馬上鶯聲藏碧柳  
客中春色渡黃河  
凌雲好獻相如賦  
莫向軍容效枕戈

過湖州

湖色山光次第看  
東南澤國尚偷安  
桑麻翳目風猶

在鷄犬無聲戶已殘兩浙烽烟何日靜三吳財賦久  
輸難長沙空有傷時淚獨向茗溪水上彈

出門

在家無一可出路轉思家窮達自有數志願何敢奢  
悠悠道云遠歲月去難賒人生有幾何愁見路傍花

竹下

地以竹下名美竹果無數隨風生翠浪千霄挺蒼玉  
竹下有人家蕭然良不俗何須問主人徑入一畱曠

讀蘇秦說秦王有感

十上王書九不行歸來妻嫂俱無情世間多少炎涼

態強半知由骨肉生

歸宿肇遷草堂

三徑荒蕪後猶存舊草堂藏書看未蠹種竹老成行  
饒有池魚樂時親枕簟涼閒居殊不易莫負晝初長

其二

入夜蟬聲靜空庭覺更幽月光澄水底花影上樓頭  
容睡偏無夢村居但少愁早知生計拙何不故鄉畱

宿鹿城正覺菴

翠竹蕭蕭數百竿城隅深處結茅菴夜來枕向溪頭  
月欵乃聲驚客夢寒

詩雖發自性情未始  
不本于世務後二取  
直世務語也

要離墓

微力能將慶忌除，鉤冠斷臂事非虛。名稱烈士風千古，骨葬城西草一墟。妻子可爲知己殺，弟兄何忍自相鋤。他年尚有專諸起，霸業徒聞說闔閭。

胥口謁伍相祠

相國祠堂面太湖，群瞻儀像肅踰趨。才能覆楚家先破，志切興吳骨反枯。白馬未消亡國恨，忠魂猶與怒濤俱。英雄廟食昭千古，何處江山是霸圖。

灌菊

爲愛黃花九月看，江頭抱甕水瀾漫。每愁淫雨催根

露又畏炎天炙，葉乾灌溉得宜花。易嘗栽培如法，夕堪食吳中老圃多奇種，不減淵明早棄官。

夏日山居

何計能消暑，居山興獨殷。草堂松蔽日，石榻瀑生雲。徑僻藤陰合，窓涼竹影分。午餘無箇事，高臥賞奇文。

桐花

密葉纔舒綠，叢花又送香。高枝爭雀墜，深院趁蜂忙。綴樹亭亭玉，沾泥點點霜。只應棲鳳侶，未許助新粧。

建蘭

渡自仙霞嶺，來藏處士家。春風偏不出，夏月始抽芽。

翠勁宜看葉幽香更愛花閩人求上品玉軫最堪誇  
臥北窓下懷五柳先生

畫長人嗜臥况此北窓幽非不寸陰惜何爲千歲憂  
無官方自適有酒更何求我愛陶潛句委心任去留

竹林避暑

喜有千行竹淡藏一畝宮不知天耀日但覺葉疏風  
鳥暗窺碁局人閒製碧筒寄情非放達聊且避熇熇  
月夜遣興次董孝若韻

牀頭蟋蟀泣殘更不寐惟看月色明積水浮光移綠  
砌疎桐繪影上丹楹關山已斷三秋夢玉宇空澄萬  
里清記得去年當此夕秦淮河畔一舟橫

除夕

年年今夕竟何如到底窮愁不可除鍊骨向人仍舊  
冷硯田逢歲總成虛嘆無旨酒酬詩鬼贖有殘篇供  
蠹魚且對妻孥談往事漫勞仙木換吾廬

烏棲曲

日暮群鴉三五飛吳王湖上采蓮歸醉扶西子蘇臺  
宿還有餘香繞梁屋歡娛莫問夜如何宮巷銀鑄映  
玉梭越國旌旗暗渡河

題雅園贈顧懷一

曲徑藏深柳雕闌枕碧流當年推畫錦今日到羅浮  
披草人斯在尋花境更幽雅名真不愧遺跡喜長留

催租

只爲追呼迫來尋田舍翁凍雲偏礙日茅舍苦招風  
婦子寧無望飢寒洵未窮蠲租待明詔庶可慰顛蒙

謁岳武穆墓

十載功名一旦休中原淪陷復誰尤奸臣悞國何須  
問庸主偏安實可羞戰血空埋千古憾丹心惟照萬  
山秋當年直搗黃龍飲待罪君門未必收

登靈巖望太湖

靈巖舊是館娃宮今日登臨迥不同萬頃湖光隨草  
碧兩山樹色入秋紅神僊宅住烟波裏龍女珠藏石  
窟中未許便尋招隱地蒼茫一望思無窮

洞庭天王寺松

老龍何處得飛來盤踞山腰偃蓋開風雨恐隨天上  
去歲年不記寺中栽聲驚百里魚潛聽色映千巖翠  
作堆幸是孤踪藏震澤不教人識棟梁材

過金山

一卷石聳急流中樓閣嵯峨次第通疑是潮來開海  
市豈知天際現梵宮山圍城郭江聲小亭出雲霄樹

色空誰道東南無砥柱金陵門戶此爲雄

過佘山有感

能逃富貴不逃名筆硯悠游寄此生一語致令天下  
敗可知處士盜虛聲

咏水仙

獨愛凌波立清姿不受塵香先蘭蕙遠  
蕊畏雪霜侵雅淡冰肌色輕盈秋水神  
南窓頻向日壓倒百花春

空山大雨後觀瀑

雨後千巖瀉天空轟若雷旣疑龍倒挂還似雪飛來  
匹練雲邊濺珠簾月下開匡廬如在望頓覺洗氛埃

聽顧逸圃彈琴

顧子最年少解音妙入神援琴一再鼓風韻逼古人  
指下不煩亂絃間聲調勻遇我邪慝念發我性情真  
恍如一室裏隱隱來松筠坐聽了無倦澄心入秋旻  
曠然萬物始宇宙皆韶鈞至樂貴自得中和非外因  
大雅久不作誰知楚與秦今君技至此遺響庶未泯

垂柳二首

章臺街畔隋堤邊可愛風流最少年  
眉黛不須京兆掃腰肢爭似小蠻妍  
數聲羌笛離亭月一曲春光夕照烟  
祇恐長條攀折後苑中無復日三眠

其二

短長亭外短長橋。望斷春歸萬里遙。少婦登樓遮翠幕。新鶯弄巧隔青綃。錦城獵騎飛晴雨。繡岸漁舟繫暮潮。恨不子雲同作賦。漢宮寂寞晚烟消。

蜀葵

傳來佳種自臨邛。節節生花五色重。植向堦前如蜀錦。秋江不數木芙蓉。

弔妙巖公主墓

城東古墓倍蕭條。日暮寒雲野火燒。石馬灣頭遺跡在。無人見說是梁朝。

咏楊梅

越地稱奇種。楊家數異珍。驪珠垂夏雨。火齊餽山隣。觸手啼紅玉。分甘點絳唇。洞庭聞勝此。纍纍白如銀。

依園納涼

幽軒開四面。老竹遶千行。坐久不知暑。風過分外涼。攤書却水扇。企脚臥藜牀。况有依園主。常招醉鶴觴。公無出門。

吁嗟危乎公無出門。天地黷慘雷電激。奔草木震撼。波濤渾渾况前有狼虎。後有毒螫。斷人覓公而出門。偶一觸之如投湯火。無子存陶潛五柳宅。杜甫浣花。



村歌一曲飲一尊烹葵擊鮮扣瓦盆老彭長壽顏回  
短命古往今來何足論安能爭名射利走死如鶩受  
噬吞繫爾馬回爾轅築爾室編爾藩福有基兮禍無  
根吁嗟危乎公無出門

花塢吟目錄

玉峰蔡元翼右宣著

會稽徐行榮菴

選

寧都曾燦止山

讀史四首

慰江覲臣

獨坐

送曾止山先生赴浙中李中丞幕

京口曉發望金山

金陵

武林懷古

馮長民周魯觀兩先生招飲湖中遇雨

夜宿田家

贈山中隱者

秋懷

家大人歸自都門復有事南遊

次韻奉寄許元錫先生

花塢吟

發刻未完

玉峰蔡元翼右宣著

〇〇 讀史

丈夫遭困厄。感憤始自憐。不見蘇季子。曾無二頃田。  
上書說不行。金盡方來還。當其刺股時。意氣一何堅。  
終能取卿相。車騎如雲連。惜哉擁富厚。徒誇妻嫂前。

〇〇 其二

荆軻誠勇決。計拙悲燕丹。有心存弱國。勉強爲其難。  
豈知秦皇帝。不復如齊桓。空令壯士去。涕泣髮指冠。

伊園手書選 發刻未完

至今易水上。千古風猶寒。

其三

吾悲淮陰侯。為漢開疆土。既忍袴下辱。乃羞噲等伍。當其請假玉。固已逢主怒。功成不善處。識淺亦自取。緬彼赤松遊。智慮迴千古。

其四

灌夫強項士。獨與魏其親。誰知感意氣。乃以殺其身。丈夫既失勢。何須來貴人。本期結情好。終致丞相嗔。堪嘆眾賓客。但趨要路津。

慰江觀臣

慈母恩難再。嚴君好護持。莫將孤子淚。更益老人悲。花下含淒日。燈前顧影時。獨慚溫清節。竟夢隔江馳。

獨坐

謀生計拙笑迂疎。壯志徒存守敝廬。不比吹簫來乞食。羞同彈鋏嘆無魚。愁當劇處方思酒。窮到蕭然但愛書。差喜小齋成獨坐。一庭明月半窓虛。

送曾止山先生赴浙中李中丞幕

頻年作客意無聊。回首鄉關極望遙。寄跡久看吳苑樹。旅游重問浙江潮。宮衙夜月吟孤劔。幕府春寒擁敝貂。豈向侯門貪曳裾。英雄壯志未全消。

京口曉發望金山

鏡甕放輕舟。蒼茫烟靄收。江濤千古壯。一柱獨中流。  
未得撥泉冷。徒令想玉浮。妙高臺畔樹。山色正清秋。

金陵

虎踞龍蟠說帝京。登臨今古倍含情。繁華六代笙歌歇。  
宮闕千秋禾黍生。夜月尚留桃葉渡。江濤空繞石頭城。  
自憐憔悴東吳客。憑弔荒臺涕泗橫。

武林懷古

南渡江山幾度春。宋家宮闕總灰塵。空傳帝賜旌忠字。  
無那天雷誤國人。處處雲連峰頂出。年年桃逐柳

條新。西湖燈火今何在。疎雨輕烟覆白蘋。

馮長民周魯觀兩先生招飲湖中遇雨

一棹衝波去。乾坤入杳冥。長風吹浪白。驟雨失山青。  
樹重烟初濕。荷香酒易醒。迴舟興未已。踏屐上西泠。

夜宿田家

日落漾輕舟。遙遙至阡陌。孤村有茅茨。燈火透簷隙。  
柴扉門半開。犬吠遠迎客。主人延入戶。爲我布几席。  
呼兒具鷄黍。欵欵談永夕。爲言遭歲儉。庾廩無儲積。  
赤日日當空。天公靳雨澤。所賴四體勤。勞瘁不敢惜。  
秋成築場圃。誰言我苗碩。卽此餘粒存。皆由辛苦獲。

君看遍原野。沃土盡成瘠。聽此爲感嘆。重之以跋踏。  
老翁勿復言。追呼聞更迫。暫喜宿荒丘。遠離市城跡。

○ 贈山中隱者

疎籬一徑斜。谷口滿雲霞。五柳先生宅。七松處士家。  
客來茶正沸。雨過笋抽芽。最喜琴書靜。蕭然樂歲華。

○ 秋懷

生計秋來但苦吟。西風颯颯雨沉沉。歲荒難免催租  
吏。才拙何來買賦金。貧對妻孥真減色。愁開書卷總  
關心。但教八口無交謫。取次閒鳴壁上琴。

家大人歸自都門復有事南遊

饑驅良自苦。豈敢厭風塵。暫作還家客。依然逆旅人。  
西風催短棹。落葉滿前津。慚愧無長策。艱難任老親。

次韻奉寄許元錫先生

騷壇樹幟孰能過。詞賦於今更幾何。草野暫容名士  
老。文章獨讓布衣多。直愁雲隔金焦樹。但逐江流日  
夜波。好待蕪城同握手。夕陽塞草共悲歌。



怡雲集序

昔人謂詩三百篇大抵賢人君子不得志於時者之所爲也非必屈伏隱約連蹇無繆之爲不得志卽席豐履豫而閔時病俗之意未能去諸於懷其爲不得志實甚也逸圃顧子妙齡門胄力學能文挾其才技何難致身青雲立取卿相然觀其所爲詩歌類多磊砢結轡不平之鳴蓋其所感者大所懷者遠人固莫得而窺之而顧子亦不能以告人則其不得志者何若也乃偶有感觸比物託興一見之於詩宜其詩之沉鬱頓挫軼駕古人陶隱居云山中何所有嶺上多



怡雲集序  
白雲只可自怡悅不堪持贈君而顧子以怡雲自名其集足以見顧子念慮之間無復聲華嗜欲而惟山川風月煙雲草木禽魚之趣之是親故其所與交者亦皆一時淪寂專一文章騷雅之士夫顧子以澹然泊然之胸中而閱時病俗之意未能去諸於懷其不得志何若也則詩之名於世吾安能量其所詣而又豈惟詩足以盡顧子哉

康熙庚申陽至後三日玉峰同學弟野香朱雲錦再拜序

怡雲集目錄

長洲顧嗣協逸圃著

會稽徐行槩菴

寧都曾燦止山選

雜詩四首

感遇六首

春曉曲

看梅

鄧尉看梅

咏看梅人

垂柳

閒居

過百步嶺

看桃花

題畫

薄命詞

擬古四首

贈友移居

試芥茶

蜀葵

楊梅

夏日山居

依園納涼

咏蚊

孫武溪懷古

秋吟二首

山中不寐

贈彭子務兼送歸里三首

夜泊

野步

溪上

劔囊行

征婦

秋晚

田家雜咏二首

怡雲集

長洲顧嗣協逸圃著

雜詩 四首

三年造木鳶不如車上輪利用所弗藉毋乃徒勞神  
大巧爲至拙飾僞難亂真今人事機變未必能資身

其二

駿馬能歷險力田不如牛堅車能載重渡河不如舟  
舍長以就短智者難爲謀生材貴適用幸勿多苛求

其三

蠶能庇天下不能庇一身紛紛就鼎鑊誰念多苦辛  
命促爲巧累功成是死因君看簷下蟲熙熙樂餘生

其四

鳳皇棲枳棘不受燕雀悲達士處困窮不願庸人知  
天意愛豪傑憂患鍊奇姿不見古聖賢屈抑以待時

感遇

六首

閭里屠沽兒自謂將帥材不屑事畜牧恃勇出蒿萊  
酒市逢豪雄一飲三百杯挽弓滿秋月擊劍生風雷  
嘆息不用武空自老塵埃里兒顧嘿嘿索莫歛歔回

其二

庭前兩松檜欣謂得所托主人云愛材往往苦束縛  
抑大以取小任意恣折削屈曲或可觀拂性良不樂  
我聞豫章木千尋覆雲壑嗟哉棟梁姿小用同濩落

其三

鸚鵡能人言籠絡羈雕闌不如燕與雀高飛入雲端  
豢養豈不恩適性良獨難巧爲拙訕笑智爲愚悲酸  
處世貴默默微軀得苟安

其四

吾見效顰子自顧世所希父母存護惜姊妹亦不疑  
未逢見憐人浩嘆衆莫知待年徒戚戚幽恨多遲遲

嘆彼無明鏡不悟有妍媸

其五

鴉聲得人惡鵲聲得人喜吉凶豈足憑喜惡紛紛起  
乃知衆是非無以定臧否旨哉先聖言好修在一已  
譽亦不爲榮毀亦不爲恥

其六

上古多質朴所事唯蠶耕不識何爲善焉知有惡名  
嗚呼制文字機巧於焉生今人愛讀書慷慨勵堅貞  
一朝遇榮寵赫赫恣交橫富貴戀妻子利欲忘君親  
顛倒亂天下輒云效古人危難既不支束手思潛身

快哉坑僞儒千載想先秦

春曉曲

鸚鵡隔簾語春曉闌干露濕東風裊護寒繡帳光流  
霞美人起拂銅菱花雙帶琳琅紫鸞舞八寶珥璫金  
鳳吐彩雲碎剪錦羅裳衣底吹來賈午香鶴紅石豆  
琥珀光鴉青雀尾珊瑚傍門外柳絮飛疊雪空闌愁  
斷清明節玉簫聲咽梅花怨焦桐微落水絃結夫壻  
少年恣遊遊買笑何處倡家樓牀頭一幅鮫綃淚待  
郎歸驗相思意昨夜蘭缸紅藥開今日看郎來不來

看梅

幾年不到看梅地。昔日風光今尚存。淺水亂流春雪  
路疎籬斜傍暮烟村。蕭蕭野竹遮荒市。寂寂人家掩  
華門。待得夕陽歸去後。萬山深處正黃昏。

鄧尉看梅

委曲循蘿入寒梅。夾岸低雲迷千樹。合雪滿萬山齊。  
引展衝前路。吹香度隔溪。一鈞新月裏。村犬吠橋西。

咏看梅人

遠屋花開正未殘。行人烟裏立。輕寒相看。但惜多風  
雨。誰念山家地稅難。

垂柳

萬條弱質溢輕盈。斗酒聽鶯綠浪平。籠岸未荒元亮  
宅。垂陰疑列亞夫營。灞橋殘月離人淚。羌笛淒風出  
塞聲。獨有龍池趁曉漏。點朝青。瑣唱春城。

閒居

寡交酌醉少。只合閉柴扉。歲月消書卷。乾坤老布衣。  
花開春意滿。市遠世情稀。獨有雙棲燕。年年傍我飛。

過百步嶺

雖少嶙峋勢。依然曲數迴。樹交畱徑窄。花落見門開。  
有石生雲氣。無樵長草萊。不因山水癖。何事得頻來。

看桃花

十里青山咫尺迷。春風吹度武陵溪。天台採藥鋤雲  
曉。金谷吟詩載酒題。流水亂隨千壑遠。柴門低掩數  
峰西。隔離籬一帶桑麻地。烟裏人家報午雞。

題畫

靜養山中已十年。喜無科稅派荒田。消閒積得書千  
卷。莫道文章不值錢。

薄命詞

莫種垂楊樹。東風日日吹。身輕畱不住。飄泊到何時。

擬古

四首

盈盈樓上女。惻惻憂中腸。淒迷嘆秋草。栗烈凜晨霜。

良人去不返。空復見鴛鴦。鴛鴦亦何知。雙雙下蓮塘。  
生來卽同宿。不解多悲傷。

其二

青青陵上栢。盤結多虬枝。千金事幽室。富貴乃在茲。  
但求生者榮。非爲死有知。永願保艱貞。子孫無棄時。  
秦皇葬驪山。二世竟如斯。

其三

西北有高樓。中有仙人居。仙人亦何爲。臨風吹笙竽。  
問年誰最多。籤籙八百餘。八百流水逝。後乃將何如。  
誰同見生死。斯言良太迂。

其四

涉江采芙蓉不同衆秋草孤芳亦悠悠持節何矯矯  
春華豈不榮恥與鬪顏好風霜良已苦於以見姿表  
繁紅徒爾爲寂莫甘獨老

贈友移居

聞道江鄉僻新移處士家漁舟迷渡口門徑掩桃花  
夜雨滋鋤藥春風課採茶思君尋不到只尺是天涯

試芥茶

泉沸鳴鐺後香吹懶夢醒寧無釀酒法先錄品茶經  
風過烟移竹詩成月半庭何須稱七椀清致自泠泠

蜀葵

敢逐紛紛桃李春久甘寂寞臥苔茵尤憐不是趨時  
種并少濃香近美人

楊梅

五月楊梅果荔枝較未鮮豈徒慚苦李還可擬甘泉  
入手垂垂紫分珠箇箇圓若爲消渴計應勝望梅前

夏日山居

一徑蒼烟外柴門傍碧溪荷栽隔歲藕瓜熟自鋤畦  
消暑輕雲近生涼片雨低雖非武陵地從未聽征鼙

依園納涼



榻掃羲皇臥推窓面面開庭閒知畫永心靜覺風來  
竹影低冰簟桐陰落酒盃片雲消暑盡更喜報輕雷

咏蚊

趨炎誇絕技日暮效殷勤亂洒窓前雨團飛屋角雲  
聲雷誠可畏口劍復紛紜天意存微物吾何奈若羣

孫武溪懷古

吳王宮中試五兵令出將軍鉦鼓聲莫邪發光濺血  
紫鴛鴦陣裏佳人死破楚不仗蛾眉功何爲波冷雙  
蓮紅君不見若耶一笑蘇臺愁江潮洶湧鷗夷浮十  
三篇上皆良籌雄文恥寫傾城謀吳宮蕭條風淅瀝

孫武名畱橋上石橋下年年長綠波溪人不唱采蓮  
歌

秋吟

小窓十日不曾開漠漠輕雲籠碧隈疎雨帶寒籬豆  
老薄霜初落砌蛩哀身耽山水愁多病世重文章棄  
不才獨有薜蘿閒伴屋寂寥烟冷覆荒苔

其二

布袍芒屨出柴關多少瓜畦枕水灣衰草尚餘鸚鵡  
色頽垣半作鷓鴣斑壺中有路終難到夢裏尋山不  
是閒忽地傷心懷往事疎林正在夕陽間

山○中○不○寐

數點黃昏雨。蕭疎過竹竿。葉鳴孤夢醒。人靜一燈殘。茅屋剛秋到。山窓已早寒。無多閒歲月。愁緒未能安。

贈彭子務兼送歸里 二首

君從遠方來。贈我好言辭。交與豈在久。肝膽淡相知。什襲抱良玉。待賈將安之。馳驅攬四方。何者謀生資。

其二

棲禽擇喬柯。君子重良友。今人愛交游。意氣在於口。直可託妻孥。慷慨寓杯酒。那知行路難。戈矛起窓牖。聞君愛結客。出門亦已久。肝腸照如雪。曾有管鮑否。

嗟哉世嶮巇。周道慎馳走

其三

秋陌望楊柳。攀條折君前。匆匆理帆楫。此去歸園田。畱君旣不得。執手徒潸然。故山豈久居。鶴書赴林泉。願君作霖雨。出雲覆山川。

夜泊

頻年少休息。一棹泝寒流。落葉平山徑。殘烟隔戍樓。疎燈今夜夢。明月異鄉秋。回首西風裏。蕭然拊敝裘。

野步

蕭瑟西風裏。開門步水涯。草枯分野岸。葉落見人家。

山影寒微霜春聲雜暮鴉忽聞漁唱起蕩槳入蘆花  
溪上

十里青山五里溪短橋前過接長堤網魚入市爭鮮  
賣野飯初香刈穫齊兩岸晚風蘆葉老一籬秋雨豆  
花低遠灘漠漠輕烟裏無數人家住水西

劍囊行

金亦陶有一古錦囊出則佩以貯扇云是劍囊也今劍去囊存不勝感慨因作

行

無復寒光動牛斗豺虎食人走林藪陰風吹淚濕鮫  
綃掩抑英雄氣未消天孫錦織仍燦爛疑有霜芒出  
手腕延平躍去幾時還空餘蛟血腥斑斑俠士傳看

同嘆羨不忍相離插統扇願得龍騰歸匣來解囊長  
吼如鳴雷提向溪山開徑澤驚電茫茫哭妖鬼

征婦

不流離別淚聊慰北征人願得封侯早君恩到妾身

秋晚

疎林遠出蓼花灘蕭瑟秋聲入戶寒烟起半湖漁鼓  
急雲開兩岸夕陽殘祛貧有鬼文難送作客無魚缺  
未彈最是亂愁無可却夢回斜月酒初闌

田家雜咏 二首


終年事胼胝今得償力作整頓悉捆載餘粒遺溝壑

公賦既已足。焉能怨利薄。量入以爲出。謀生貴儉約。  
不見食肉人。後乃饜藜藿。持此語兒曹。努力安耕鑿。  
其二  
古聖貴恒產。斯言良有因。四體雖云勞。不樂干求人。  
殷勤祀田祖。醴酒洽比隣。生不識文字。古朴稱天民。  
但願禾黍好。再願無烽塵。擊缶歌烏烏。妻孥偕隱淪。  
上以供甘旨。下以贖六親。

先考功棄余最早。少從家兄尼備氏受舉子業。經史  
而外。間涉獵秦漢唐宋諸大家。而於詩則未之學也。  
年來讀書依園。四方君子時相過從。陽春白雪之篇。  
投贈盈篋。余淡慕焉。而愧未能。乃取三百篇及楚詞。  
古詩十九首。漢魏五言。李杜二集。枕籍而觀之。良久。  
不覺浩乎其有得也。因知詩之爲道。本乎性情。形諸  
音律。苟性情不正。則音律亦乖。所貴立志以端。其趨  
力學以廣其識。超悟入神。以臻於不可名言之境。詩  
固未易爲。而豈易言工哉。余性豪放。每有不平。輒呼  
酒問天。近則愈抑鬱。無聊。思古人有處此而不能自

已則必託物起興發爲咏歌以寄其牢騷不平之槩  
若三百篇楚詞古詩李杜諸公皆是也余遂學焉良  
久亦不自知其詩之工與否也同里金子亦陶筮文  
潘子雙南黃子憲尹曹子德培蔡子右宣皆淡有得  
於詩學與之語志同道合遂以依園爲詩會地迭相  
唱和累年於茲矣庚申小春稽山徐藥菴寧都曾止  
山兩先生過訪偶出諸子詩就正兩先生謬相許可  
彙選若干首以屬剗劂余不敢辭馳告諸子俾助厥  
成而并述其顛末如此嗟乎世之學古人之詩者寡  
矣學古人詩而併得古人之性情者則尤寡今幸諸  
子交相期勉以始終勿替則雖才不逮古人遠甚而  
古人之性情何不可因今人之性情而各出也斯集  
之刻固兩先生之意亦藉以就正四方大君子倘謂  
余詩爲工而濫厠諸子之末則余豈敢

康熙辛酉端月依園主人顧嗣協逸圃氏謹跋



仙閣十一詩箋

Large stylized seal script characters, likely a library or collection stamp, overlaid on the page.

Small square seal impression in the bottom left corner, containing characters in seal script.



竹園十一

